

К

84(2)7

М-27

БГА МАРКОВА

ВАРВАРА ПОТЕХИНА



КОМИПЕРМГИЗ
Кудымкар 1938

ОЛЫГА МАРКОВА

ВАРВАРА ПОТЕХИНА

П О В Е С Т Ь

Вуджэтіс Н. Спорова

КОМИПЕРМГИЗ
Кудымкар 1938

МЕДОДЗА ГЛАВА

Сук чочком бус кокнита лъебтисъэ сы кэм-тэм кок чуннез коласэт да дыша вевттъэ гырись, нятьсянь потласъэм кок лапассэ. Ыджытсэ-ыджыт шондыс лэздыртчэма жарсяняс да вэрзытэг сулалэ нёбоас.

Мунны съэкыт. Калитчэм кэс бусыс сотэ коккесэ. Варвара берегитчэмэн видзышлэ киезнас ыджыт, эшэтчэм кынэмсэ, кэдэ зъелэтэма дзескыт, вывлань лъебтисъэм юбкаыс. Шңурэн кэрталэм да ки былэ эшэтэм чаркиез мешайтэны мунны.

Варвара сувтчэ, босьтэ чаркиесэ мэд киас, чочком ковта соснас чышкэ нбылэмсэ, нюлэ косъмэм тырпшесэ да бэрас дзаркерэм бэрын казлэ кушмэм гэрд понэс. Поньыс тожэ сувтчэ, ыджыт, гажтэм синнъезнас дыр видзэтэ инькаыс былэ, сыбэрын, гусьэник да вэснитика уннылышлэмэн, бэжсэ лъедзэмэн бэра кыссы сы сьэрэ.

Руд туйыс кайэ мысэк былэ. Съетчин могильник. Варвара вэрэтэ тырпшезнас, лэсьэтэ кывесэ порасъэмэ. Вот сейчас сія локтас мамыс

догила вылэ да горзас-причитывайтас курыта да съэлэм бурмэтэмэн:

— Маму... маминьэй... тэд-ко, кытшэм меным тьетэг овнытэ чэскыт?

Сизим год вэлі Варваралэ, кэр куліс сылэн мамыс. Съек учитик Варька ешэ ез вежэрт смертыслісь съэкыт смыслсэ. Сійэ любитісэ, малалісэ ласковэй кнез кытшэмкэ старухаезлэн, сійэ жалейтісэ, горзісэ да съэкыта ловзисьэмэн шувлісэ:

— Беда... Сирота-ед эні... Кытчэ эні...—и тойшлісэ одзас, матэжык гроб дынас.—Да видзэт-жэ тье мамыт вылэ медбэръяись-ту...

Варькалэ тожэ охота вэлі унньэвтны вэснита да нюжвыла, кыз ена сы одзын горзісь инькаес. И сія челядь моз—чэскыта да съэлэмсянь—горзіс мамыс гроб весьтын. Но не горёсянь, не ас пондасис полэмсянь. Варька чожа вежэртис, што кыным унажык сія горзэ, сыным эддьянжык старухаес беринялэны юррезнаные да сюйэны сылэ кнезас кытшэмкэ чэскыт тупэсёккес.

Мамсэ дзебэм бэрын дядяис, мамыслэн воныс, ыджыт мыгэра да тоша, свиттялан векнитик лэчыт синнъеза, босьтіс сійэ кнэттяс да висьталіс:

— Но, мунам...

Варька поліс сы съэд тошись и первуись пондіс горзыны ас пондаись полэмсянь.

Съексянь Варвара этпыр-ни ез адззывлы ласкова, жалейтэмэн видзэтэмсэ. Частэ, аслас угэлын джоджас куйлікэ, пасёкэ юрсэ мэртэмэн сія думайтіс сы йылісь, кыз Анфиса тёткаыс ыжмитас сійэ морос бердас да ласкова, кыз мамыс, висьталас:

— Мыйкэ умэльтчин тье менам...

Этпыр кызкэ Варвара веритэмэн ыжмитчис тёткаыс подув бердэ, но сивилёнас лэга сэтэмыс сойыштіс сійэ бокэ:

— Тье мый етэ, весь нянь сёйись, уджтэг тлэшнясян?

Варвара некэр ез пукав уджтэг—киас сылэ пыр суйисэ то гэрдззисьны, то вочлісьны нето помоййезэн ведра. Варваралэн симавліс кынэмыс и сія полэмэн нюжэтліс кисэ босьны нянь кусэк, но дядяыс зубыта вачкывліс сылэ нюжэтэм киас.

— Тырмас!.. Кышасин миян вылэ... Быдэныся унажык жоритан!

И чожа Варвара лонс лэг да неверитісь кэсынник нывкаокэн. Синнъез вылас лъедзчисьэм нятьэсь съэд сюггез увтсэнь видзэтэмэн, сія велаліс быдэс адззыны и быдэс вежэртны.

Кэр сылэ тырис дасвит год, сія вежэртіс, што дядяыс, опекунэн шусикэ, кужэмэн грабитіс сійэ. Этпыр кызкэ Варвара юаліс:—Дядя, мый кольччис меным мамэсянь?—и казяліс, кызд дрэгнитіс дядяыслэн тошыс. Сія видзчисис, што дядяыс бура сійэ вартлас, и вэлі готов-ни эткажитчыны быдэсись.

Лэгсяняс пэдэмэн, дядяыс висьталіс:

— Жоритан менчим... Мый ешэ тьеныт колэ?.. Керку вон кольччис...

Но мукад пора совестьыс мучитіс дядясэ. Сылэ усьліс тэд вылас, кызд сія Варька мамлісь нуэтіс базарэ кык мэс, кызд босьтіс аслыс турунэн богат видззез да кыскис аслас чуланэ сойыс доброзн съэкыт ящиккесэ и, медбэрын, кытшэм уна сія тшэктэ уджавны ас вылас етэ съэд, кэ-

сыник нывкаоксэ. Съек, аслас ныввезлэ праздник
кежэ мэдэтчаннъез ньэбикэ, сія и Варькалэ ньэб-
ліс кытшэм-нибудь юбкажуг.

Варька унаэ велаліс. Сія велаліс тёткаыс
видзэтэмсянь котрасьны быд вынісь, медбы
тыртны сылісь быд желаннёсэ, велаліс не сюр-
ны син одзэ кык лёк сойлэ, поліс ны чеплялэ-
мись да сералэмись. Сія синнас нійэ ез адззы, но
быдэс керис кыз нылэ колэ да гусьэн завиду-
тіс.

Но сія и асьсэ ез вунэтлы. Сія велаліс дзе-
бавны нянь кусэккез, медбы сыбэрын гусьэник
нійэ сёйны, велаліс недосповна высьтыны мэс-
сьез, медбы сыбэрын нимаवны кольччэм йэвсэ.
Велаліс овны да приспособливайтчыны.

Дассизим год Варвара оліс дядяыс ордын.

Узьліс сія кэдзыт посодзын, кэдэ тэвнас чуть
-чуть токо лонтлісэ. Кыз сторожевэй пон, сія
некэр ез ланьтлы кыз онэн, вэлі готов быд ми-
нутаэ чеччэвтны хозяинныс корэм вылэ да мэс-
сьезлэн тревожнэй баксэм вылэ. Сія ытшкис ту-
рун, вундіс и вартіс сю и сы пора-жэ дэзира-
тіс подаэс. Сы мирэн вэлі ограда: курэргез гот-
сьэмэн котрасисэ сы сьэрын, мэссьез баксісэ
сійэ казялікэ, вэввез жагэник да корэмэн гэрд-
лісэ. Варвара тэдіс, што быдэс уджсэ сія керэ
бытшэма и сійэ нем понда кэритны. Да, сытэг
ез-ни вермэ овны ета дзескыт, богат керкуын.

Нывкаезын дырэв-ни пукалісь соййез, мукэд
пора, сёрэн ойнас гулянка вылісь локтікэ, кыс-
кылісэ сійэ асланыс постеляэ да, сералэмэн,
висьтасьлісэ зонкаез йылісь, окасьэммес йылісь,
волнуйтісэ сійэ тэдтэм-на счассё йылісь мечтае-

зэн. Осьтэм сишъезеп постеляны куйлікэ да
уличаас нывкаезлісь сылэмсэ да гармонцялісь
манитан шыесэ кывзікэ, сія керліс аслыс лэнь
счассёлісь, аслас счассёлісь манитан картинасэ.
Аслас олэм дырни сія ез адззывлы этік, медне-
вишнэй паслажденнё, и соййезлэн стыдтэм вись-
тасьэммес осьлісэ сылэ быдса адззывлытэм
мир.

И кэр вартікэ этлаын сыкэт уджалісь черна-
лісь Андрей Дорохов, мед соййез завидуйтісэ,
кватигыштіс Варваралісь идзас рэженьсэ да вись-
таліс сылэ мыйкэ ласковэйэ,—Варваралэн сиш-
шьес пондісэ свиттявны, и снокойнэя уджавны
сія е-ши вермы.

Варвара пекэр ешэ ез кывлы мужиксянь със-
тшэм кыввсэ да съетшэм участнесэ и вэлі эд-
дъэн рад. Сія велаліс гусьэник ветлывлыны ой-
йезнэ Андрейэн висьталэм местаэ, и сія, ета
басэжда ласков зонкаыс вермис корны Варвара-
сянь быдэс, мый сылэ коліс.

Сіа благодаритіс Андрейэс сы понда, што сія
льедис Варваралэ любитны асьсэ. Сысянь Вар-
вара іем ез кор. Сія ез верит, што кинкэ вер-
мас любитны сійэ, кэр сійэ токо видэны.

Чжа Варвара вежэртіс, што сія съэкыт, но
Андрійлэ нем ез висьтав, поліс кидтыны сійэ ас
дынс.

Кідзкэ рытнас, кэр керкуас вэлі гортсэ моз
гажада поныт, Варвара висьталіс соййезлэ ас-
лас чассё йылісь, но сразу вежэртіс, што чув-
ствоэ ассис колэ сайлавны. Соййез пондісэ
вэджыны сійэ быд оськэлын, некытчэ езэ льедз-
лэ өртсшыс. Нія готовэсь вэлісэ асьныс пе-

кытчэ не петны, мед токо не сетны Варькала
лоны счасливэйжыкэн нысса.

Сы позор йылись тэдиэ быданныс, и кэр
Варвара мезмис вэлись сойез вэдждэм увтись,
сія ез адззы Андрейсэ пырся местаас: Андрей
сьесся ез вовлы.

Мый сійэ видзчисис—Варвара ез тэд. Кэр
сьэкыт-ни лонс уджавны, дядяыс лэга, кызд
шатласнсьэс, вашэти сійэ керкусис.

*

Жар, пэдтэ. Жар тэлыс сотэ чужэм. Кыввес
эшэны, дзугсьэны, и бур порасьэмыс, кэдэ туйэ
горзыны, причитайтны могила вылас, ез шгмы.

Варвара ветлэти турунэн тырэм могилаэз ко-
ласэт, и ез вермы адззыны мамыслись могилаэс.

—Маму, простит... простит, маминьэй...

Сія дыр сулаліс тополь вуджэр увтын и ез
тэд, кытшэм могила вылын порасьны асла: эт-
каса олэмыс йылись. Сыбэрын босьти кы выв-
сис бусэн тырэм чаркнесэ, кэмтэм коккесэчыш-
кис небыт турунас да пуксис кытшэмкэ чужэй
зелёнэй мысэк вылэ, тополь вуджэр увтэ.

Лэнь. Кытэнкэ, могильник мэд конечас, кылэ
балаезлэн баксэм да улын, туй вылас, ёркээмэн
муніс телега.

Варвара босьти юр вывсис чышъянсэ, чыкис
сійэн гэрдэтэм да пымалэм чужэмсэ и друг пидіс
чувствуйтны, што мыдзис, кызд ытшкисикмед-
одзза лунас. Косыс висис, коккес сотчис да
виснесэ, горшыс бура косьмис и сьэлэмыс бура
ёткэтис.

Сія водіс, пуктіс юр увтас паськыт долоньсэ да чожа ланьтіс кытшэмкэ чужэй могила вылын. Шондыс пуксьыны-ни пондіс, кэр Варвара саймис.

Сія перыта пуксис, коккесэ кэстіс увтас да, узьэмсяняс пыктэм тырпсесэ неволькыт кинас чышкикэ, дивуйтчэмэн дзар-керис омэн.

Сылэ вэлі стыд. Сія ланьтіс, сідз ез и адззы мамыслісь могиласэ и ез норась сылэ аслас горё йылісь.

Пондіс вотясьны зьер. Шоча усян ва тёпсес горэн вартісэ турун бердас, а Варвара весьтын тревожня шумитісэ тополь листтёз.

Сія тьермасьэмэн сюйыштіс коккесэ бокэ тальэм чаркижуггезас, сувтіс, трекнитчис да, юрсэ чышъяналэм бэрын, перыта пондіс мунны могильниксис.

Могилаес сайсянь петыштіс сё сія-жэ гэрд рукйэсь поныс. Варвара радэн дивуйтчыштіс:

— Полкашка... Тье сё ешэ татэн?.. Ок, тье!..

А сія радэн чеччаліс Варвараыс гэгэр, старайтчис нюлышны сылісь киесэ.

— Полкашка, кытчэ эні мийэ тьекэт воштісям? А?

Нія пондісэ мунны зьер увтас—Полкашка одзас, бэжнас гажэн эвтэмэн, Варвара—бэрсяняс, руд, сьэкыт вамэм крышаезнас нырыштэм керкуез вылэ сьетчин, керэс увтас, тревожня видзэтэмэн.

Кэр локтісэ посад дынас, Варвара кежис ыджыт туй вывсис да сувтчис:

— Полкан... Тье ен лок ме сьэрэ... Ен лок, Полкан... Мун гортат. Но!..

Сія пондіс мушны бокэ векнитик чуклясяна туэкэт, бэрас пыр видзэтлэмэн. Поныс кыссис сы сьэрэ.

— Тъеныт али не шуэны... Мун дядяэ дынэ! Ачым тшыгъявны муна... Цыть, муц, но!..

Сія лэгэн грезитіс поныслэ кулакнас. Поныс нерешительная сувтчис. Съек Варвара, бэрас видзэттэг, чожа сайэвтчис пемыт уличаас.

Варварасэ аслас керкуын примитісэ не эддъэн радейтэмэн. Сы здоровйтчэм вылэ некин ез шыась. Варвара дыр сулаліс порог дынас и ез тэд, кызд висътавны ена отирлэ, што сія локтіс татчэ пыр кежэ и што нылэ ковсяс кошшыны мэдік квартира.

Быдэс семьянс тыдалана лэгэн видзэтіс Варвара вылэ. Лэньсьэм челядэкыс гусьэник шупкэтчисэ, асьныс мыччалісэ чуннезнаныс Варвараыс страшнэй кынэм вылэ. Крэвать вылын чинпэя пукаліс старик, да, Варвараыс вылэ видзэтікэ, лэга кваркышаліс синкымтэм, учитик сипоккезнас. Дыр мыйись вэлісь квартирантка-хозяйкаыс петіс гор сайсяняс да, нятьэсь гэрд запоннас кйесэ чышкикэ, сувтіс ордчэн Варвараыскэт и лэгэн юаліс:

— Мый, хозяйошка, мушны миянэс тшэктан?

Варвара вежэртіс, што нія тэдэны-ни дядяыскэт сы лэгасьэм йылісь, и сійэ радуйтіс дума, што нем нылэ оз понды ковны байтны. Сія чувствуйтіс, што естісь сійэ озэ-ни вашэтэ.

Варвара мушіс одзланыс, пуксис гор дынын лисничёк вылэ и пондіс видзэтны этмэдэрэ. Керкуыс вэлі пемыт. Съэд потолokyс лажмыта эшэтчэма стенаас вылэ. Эті-мэділаын керрес кола-

сэт, стенаас вылын, эшэтчэма торк. Кыка векни-
тик эшыноккес мышкыртчэмась топ муэдззис.
Этік стекло вэлі жугдэм и тупкэм цятьэсь ро-
зовэй подушкаэн, кэда сайэвтіс джыи эшынсэ.
Джоджыс вэлі нятьэсь.

— Кыдз садэмась... Господи.

Ыджытжык кык зонкаокыс, кэднэ сьесся ез-
ни интересуйт ыджыт кынэма инькаыс, пондісэ
чирзытэн котрасьны да джодж кузяс тарлавны
сартасок вылэ кышалэм колёскоок, а учэтжы-
кыс пукалис лабич вылын да гажтэма нюжэтіс:

— Ма-а-м... Ма-а-м...

Хозяйкаыс клёпкис сылэ сьэкыт кипас:

— Дугды... Канюк!..—зонкаокыс мымда выи
пондіс чирзыны. А Варвараыс сёрмэмэн шуис
паныт:

— Олэ, кытчэдз... дзескэтчыштам...

Квартиранткаыс сувтчис керку шэрас, сыбэ-
рын мыйкэ бобнитіс да шы сеттэг муніс гор
сайэ.

Челядьыс горэтлыны ез дугдэ. Старикыс друг
топнитіс кокнас да лёк горшэн горэтіс ны вы-
лэ:

— Чэлэ тійэ, прокленитэммез!..

Челядьыс лэньсисэ, а старикыс, Варвараыс-
лань чужэмсэ бергэтэмэн, недыр кежэ сувтэм
лэняс, горэн юалис:

— Мыйэн-нэ тье питайтчыны мэдан? Колхозэ
иньдэтчан?

Хозяйкаыс, гор сайсяняс юрсэ мыччэмэн,
видзэтіс, кыз пондас баитны Варвараыс.

Оз, колхозэ сія оз мун... Пырис-кэ аслас хо-
зяйствоэн колхозас Захар дядьыс, дак сія оз мун...

вэрэны сылэн блед тырпес да осьтэны ён лэз пиньййесэ, кыдз сїя хозяйскэя элтэ пызан вывсис да пидзэссъес вывсис крэнкиесэ да лъедзэ нїя пустэй эмас.

— Кытчэ и тэрэ!—лэга да протестуйтэмэн Варвара чуть токо ез горэт. Сїя синнас-ни оз адззы етэ семьясэ, друг перыта чеччэ местасне да горэн, чуть не горэтэмэн, корэ:

— Тётка, юктав менэ...

Хозяйкаыс, кинлэкэ чай кисьтікэ, дэпк кыдз кыввесэ жалейтэмэн, шуис:

— Пуксы, юшп мяшкэт чайсэ...

— Ог... Ме ог ю чайсэ... Менам горш косьмэ, ме юа-бы...

Хозяйка вайэ сылэ ыджыт, съэд кэртовэй кэшйып ва. Варвара юэ, ордчэн сулалісь ипъкаыс вылэ кэш сайсеянас видзэтлэмэн. Юэ сїя жагэна. Сылэ любо, што хозяйкаыс сулалэ съетэн, сы бокыш, да лэг увъяс летэ ассис пятьэсь запопсэ.

Вэлісь, хозяйкаыс кутчис кэш бердас да летыштіс сїйэ Варвараыс нюжэтэм тырпез дынісь. Сїя эдва видзсис, мед не сэтны кэшнас стэ сир кодъ лякасись ипъкасэ.

— Кытчэ водап?

— Ог тэд...

Хозяйкаыс швыргис джоджас, гор дынас, кытшэмкэ дука кошма.

— Вод-шп!

горзэ.рвара водэ, бергэтчэ стеналаняс да шытэг Ва

Быдэнныс водісэ. Хозяйскэй крэватъ вылын дыр вэрэтчэны, гыжъясьэны, шушкэтчэны. Вар-

вара тэдэ, што шушкэтчэны сы йылісь. Сія ят-
нэя кылэ, кыздз хозыйкаыс видчэ:

— Ашып-жэ колэ квартира кошшыны... Кы-
шаеяс...

Керкуас жар, дук. Эшыи стеклоас вартчэ,
зника оз сет кытшэмкэ гут, шумитэны торокан-
пъез. Варвара дыр ешэ куйлэ, видзчисьэ, кэр
быдэнныс ланьтасэ. Сыбэрын гусьэник петэ по-
содзэ жарсяняс осытэм ыбэсэт, да маласьэмэн
кошшисьэ джаджжес вылісь.

Сія адззис кашник гречневэй кашаэн, гусьэ-
ник, не шумитэмэн, топыта жмитэм кинас перкйэ
кашник бердэ косьмэм кашасэ, да содз тырнас
сюйэ сійэ эмас.

Кашниксэ одзза местаас сувтэтэм бэрын, сія
дзэбсисьэмэн пырэ бэр керкуас, уськэтчэ кош-
ма вылас да ланьтэ.

МЭДИК ГЛАВА

Куим лун бэрти Варвара кольччис овны этнас аслас куш стенаа керкуын. Сія кошчисисе быд угэлын, быд шеллын, оз-я туй мый-нибудь адззыны. Гуддисисе мусорын, кыскаліс съетісь быдкодъ трэпиччез, важ чаркижуггез, негоднэй гез торрез—быдлэ адззисисе места сы керкуын. Но сёдаки сылэн ез вэв медколанаыс, и мукадпора, оййезнас, сія ветлэтіс йэз оградаезэт и ваяліс гортас быдэс, мый сылэ сюрліс—ведраез, пэввез, кашниккез, юбкаез, геззъез.

Кыным унажык эксисэ быдкодъ торрес, сыным эддъэнжык сія чувствуйтис, што сылэн нем ешэ абу и што сылэ немэн овны.

Суседдъес видчисэ, што нылэн частэ эшэ быдкодъ добро. Нія пондісэ ёна иглавлыны оградаезнысэ ой кежас, но Варвара и ачыс тэдіс, што ветлыны гусясьны размэдісь этік оградаэ оз туй. Сія муніс ылэжык, мэдік уличаезэ да, ворота вугсэ пешлэмэн, кывзісис и гусьэникпыравліс йэз оградаэ. И этпыр ешэ сійэ некин ез кутлы. Но отир тэдісэ, што сылэн нем ез вэв и што эні хозяйствоыс сылэн вежэрттэг содэ, пондісэ думайтны сы вылэ. Ветлэтісь нывкады-

нэ, кэда стыдтэг адззис кагаэс, сё частэжык и частэжык содліс докажиттэм, но справедливэй кыв—воровка.

Барвара вэлі выносливэй да, кыз кань, быдлаись адззис петан туйсэ. Кажитчис, сія некэр ез узьлы—сьетшэм настойчивэя сія керис аслыс покойсэ.

Асывсяняс сія уджаліс суседкаес ордын—пеласис, миськаліс керкуез, уджаліс карчійэрын, и некин ез и думайт, што ета ыджыт да крепыт женскэйлэ сьэкыт мышкырасьны кыз кынэмсяняс—сьетшэм кокнита сія керис быдэс, мый сійэ тшэктісэ.

Рытьявнас Барвара вовліс гортас, вайліс неыджыт узэлок пянбэн либо картовкиэн.

Мукэд пора сія мый-нибудь дзэбліс ковта увтас, и токо гортас бытшэмика видзэтліс гусялэмсэ. Сія пидзэссез вылас веськэтліс нэйтэм трэпич и ез тэжды, што трэпичыс ета эддён-ни важ—сія пригодитчас кага трэпиччез вылэ.

Барвара велаліс пэттэдз сёйны отирын, а шедтэмсэ пуктыліс запасэ.

Мыдзлывтэм да настойчивэй, лунся уджсянь локтэм бэрын, сія кошшис горт гэгэрас аслыс удж. Оградаыс сылэн ез-ни вэв гажтэмэн да нишшэйэн. Ета вэлі энi сьетшэм ограда—кытшэмэсь уна. Мэдралэм, сісьмэм джоджыс вильмис да югъяліс чочком тесина дэмассезэн; лэг петшэрыс забор дынас ез вэв, заборыс сулаліс веськыта да ёна, и быд тёсыс оградаас вэлі не эддён басэка, но ёна вачкэм. Оградаас кыліс хозяин. Кызкэ этік асылэ Барвара кыліс посодзсяняс, ~~ылэ забор саяс, суседдъес Чувелёввес оградаын—Алексеевна работливой, ныр уджаліс~~

старуха, ведраезнас бура гымэтэмэн, видіс ас-
сис зонсэ:

—Баита, баита тъеныт—воч-жэ тье джоджсэ,
Петра, а кыз стенаэ анькытш—весь токо кыв-
весэ эшта!.. Вон Варвара Потехинаыс, инь-
ка-ед, а видзэт, кытшэм сылэн оградаыс ло-
ис...

И кэр Варвара петіс посодзись, Петра мыйись
вермис мэдраліс сісь плахаесэ аслас оградаын.
Варварасэ казялэм бэрын, сія сувтчис, видзэтыш-
тіс сы вылэ да, киез вылас лэга сьэвзьэмэн, бэ-
ра мышкыртчис джодж плахаез весьтэ.

Варвара оліс кытшэмкэ исступленнёын:—за-
водитны! Овны, кызд быданныс!

Быдись, мый сюрліс сы керкуэ, сія керліс
чудесаез. Сылэн эті-мэді вэлі-ни: тэссъезісь ке-
рэм топчан, табуретка, пызан—быдэс вэлі керэ-
ма ёна, тырмас дыр кежэ. Пызандэра да одеяло
туйэ ольсыштэм трэпиччес сайэвтісэ неуклюжэй
уджсэ, и Варвара вермис гордитчыны—быдэс ета
вэлі керэм сы киезэн.

Сія ветліс вэрэ, эктіс чашья да пожум гулю-
ез и кэстісьэмэн вайис гортас ыджытсэ-ыджыт
ношаез, тэв кежэ заптіс лонтісян. Оградаас на-
вес увтын быдмис ыджыт кодъ-ни поленича быд-
кодъ уввезісь.

Варвара нем йылісь ез вунэт. Керкуас пукав-
тэн, сія терпеливэя вурис этлаэ поснит, быд
рэма торрез одеяло вылэ, нето гуддисис эктэм
трепёас, бэрыис небытжыккесэ да шоньтжыкке-
сэ кага трэпиччез понда. Сылэ и ета йылісь ко-
ліс думайтны. И сія, шынняялышлэмэн, тьечис то-
ръя пельэсокэ челядь йэрнэсоккез да мукэд вещ-

щез. Видзчисьпы кольччис недыр-ни, сія тэдіс етэ: косыс висьліс сё частэжык да решительнэйжыка.

Варвара поліс аслас эткаса олэмись, кэда вэ-лі сы положеннёын опаснэй. Мукэд **пора** сійэ кутліс полэм.

Этпыр, дэжитэмэн, сія петіс керкусис да сія забор бердэ видзсьэмэн, кэда торйэтіс сылісь оградасэ суседскэйыскэт, горэтіс:

— Эй, Алексеевна!.. Петыш-жэ!..

Керкусис тьермасьэмэн петіс старуха, котэр-тікас дзор юрсисэ чышъян увтас дзэбэмэн. Сія посит пернапассьезэн кресталіс ассис чукра-сьэм чужэмсэ да полэмэн юасис:

— Мый, ныліньэй, ез-я ветлэтсьы-ни?

Варвара, ас пондасис полэмсянь да ета доб-рэй старуха эшэмсянь, пондіс горзыны:

— Дзугси ме, Алексеевна... Пола... Ен чапкы тьэ менэ!..

Алексеевна жагвыв, успокаивайтэмэн креста-ліс Варварасэ:

— Йен тьэкэт! Ветлэт ешэ, ветлэт! Ме тьенэ ог чапкы. Вай ноко лыддям тьэкэт...

Алексеевнаыс юасьэм вылэ дженытика ответ видзикэ, Варвара иньдэтліс сицньесэ бокэ.

— Да тьэ мый гэрдэтін? Не нывка-ед. Лыд-дыны колэ—кэр тьэ рекман...

Но Алексеевна сёдаки сёрмис. Кэр сія этік ноябрьскэй луна локтіс Варвара ордэ, мадыс нельподэн-ни—быжэн, пиннесэ дзикыртэмэн, син-ньесэ куньэмэн кыскасис керкуэтчяс. Сія, кызд слепэй кань пиян, татшкисьліс юрнас стенаезэ, покорнэя бергэтчывліс да кыссис мэдрэ.

Алексеевна спокойнэя юрбитіс йенугэлас да сыбэрын вэлись сибэтчис джоджэттяс кыскасись женскэйыс дынэ:

— Ноко! Тье, инькаиньэй, мыйкэ совсем эшэ-мыт! Чеччы!

Барвараыс горзэмэн ойнитіс:

— Алексе...вна...

Старуха чапкис топчан вылісь одеялосэ да гынсэ, кутыштіс Барварасэ косэттяс да жагвыв водтэтіс куш пэввез вылас:

— Куйлы! Быдэнныт тійэ сьетшэмэсь! Гуляйтны охота, а вайны дышныт петэ!..

Барвара казяліс ас весьтсис ешэ этік женскэй чужэм: Алексеевнаыс сыэрын котэрэн локтіс сылэн моньыс, томыник, чожд да любопытнэй инькаок.

Барвара ез любит сійэ: сія пыр аслас юасьэмэн пырис Барвара тайнаез самэй пыдынінас.

И эні ета инькаыс видзэтіс да пэшліс Барварасэ быдлаэт. Сія кытшэмкэ юбкаэн вевттыліс сылісь паськэтэм коккесэ и гусьэн да глупэя юавліс:

— Но, мый? Кыдз?

Барвара вартчис юрнас пэввес кузя и сё частэжык да горэнжык ойзіс. Алексеевна котрасис этмэдэрэ, мыйкэ лэсьэтіс, да горэтышліс моньыс вылэ:

— Зинаида! Мун-жэ, вай миянлісь самоварсэ да сувтэт сійэ... Да перво сайэвт эшынньесэ!

— Мыйлэ, маминьэй?

Алексеевна бытшэма тэдіс ассис делосэ да рама велэтіс моньсэ:

— Бэбэв! Мыйлэ... Кагаыс гусьэн пондэтэм, гусьэн и должен чужны...

— О-ох!..

Зинаида охотня керис быдэс, мый тшэктис аныс, а сыбэрын бэра пуксьыліс Варвараыс дынэ. Вэлись сія вермис видзчисьны съетшэм кадсэ, кэр Варваралэ вэлі эткодъ—овны нето кувны, и кэр сія вермас висьтавны быдэс, мый сылісь юалап. И Зинаида юалис:

— Варя, кинсянь тьенат... кагаыс?

— Андрейсянь... Дороховсянь...

— А-а! Да-ед сія гэтрасис! Ок, тье!..

Любопытство сэйис Зинаидасэ и, Варвара дынэ мышкыртчэмэн, сія пытайтис:

— Ме, Варя, некинлэ ог висьтав... Кыдз етэ тійэ?..

Сибалис конеч. Варвара вартчис зубытсаянс. Алексеевна, соссьесэ пуджэмэн, пыр вэлі сыдынын, чуть да и пернапасасьліс, вэрэтышліс чукрасьэм тырпезнас. Зинаида котрасис керкуэттяс да тьермэтіс анысэ:

— Да чожажык, маминьэй...

— Чэв тье, бэбэв...

Алексеевнасэ пондіс беспокоитны кагаыслэн неправильнэя шогмэмыс. Кагаыс, некэ, муніс коккезнас одзлань.

Варвараыс совсем вынтэмсяліс да эдва-эдва нюліс кэс кывнас пыктэм тырппесэ. Алексеевна пыма тьечис пернапассъез да кеймисис Варвараыслэ:

— Нычіньэй, да тье отсав меным ректыны тьенэ. Тье отсав, пыксы!..

Варвара эдва-эдва, гусьэн шунс:

— Фельшерэс-бы...

Алексеевна лэгэн видзэтыштіс, сы вылэ да, кокнас топнитэмэн, горэтіс:

— Ак тье, стыдтэм! Етэ йэз мужикыслэ асит яйтэ мычавны?

Зинаида пильс серэмтчис:

— Да-ед сылэн аслас мужикыс абу!

Барвара дрэгнитіс Зинаидаыс смексянь.

И друг пондіс кывны, бытьтэ кинкэ жагвыв-жагвыв пондіс кульны сы вылісь кучиксэ юрсяняс коккезэдзис. Сія горэтіс да лоис садьтэг.

Алексеевна радэн пондіс макайтны киезнас:

— Вэрзис!

Кэр Барвара садясис, Алексеевна мыччаліс сылэ лэз трэпичэ каттьэм гэрд чукрасьэм чужэмок да, празнишизя, шоныта шиньялэмэн, юаліс:—Кинэс, ныліньэй, видзчисин?

Барвара лъэбтісьыштіс гырдзза вылас да жаднэя нюжэтіс кисэ лэз комочокыс дынэ:

—Зонэс-бы меным, бабушка... Отсалісьяс...

—Вот и бур. Сідзкэ, ме инми тье сьэрті... Зон...

Эні лунтырэн и кузь тэвся рыттэзэн Барвара ез петавлы керкуись. Мукэд пора токо, ыджыт бырэм шальэ каттисьэмэн, сія петавліс оградаас пєсла либо лымла.

Сёевэй кашник сувтэтэмэн да куш киезнас небыт голубэй лымсэ куралэмэн, сія забор вевдэрэт видзэтліс Чувелёввез оградаэ. Этпыр кызкэ сія казяліс Алексеевнасэ да горэтіс сылэ:

— Алексеевна, он-я тэд кыськэ кытшэм-нибудь удж? А то ме медбэръя сухаррезэс-ни сёя...

Алексеевна думайтэмэн вашкис тырпезнас, а Барвара, кэдзытєсяняс дрэжитэмэн да гэрд, бокэ

Тальэм чаркпеза лэээтэм коккесэ вежлалэмэн, падейтчэмэн видзэтиc старухаыс вылэ.

— Норовитыш ужо, новду мыйкэ и адзза тьеныт.

И недыр мыйнсь Алексеевна локтиc Варвара ордэ, вайис кыз мотоккез суровэй сунис:

— Но, нылнъэй! Адззи ме тьеныт уджсэ. Мерёжаез гэрдззыны пондан. На, вот!

— А кинлэ?

Алексеевна суйис сылэ киас мотоккез да кэртовэй съэд йем.

— Вот на!.. А кинлэ—ета менам делоыс. Тье токо гэрдззы да гэрдззы. Этикэ гэрдззан, новду и мэди́кэ судзэта.

Варвара и ета уджлэ рад вэлі. Но сылэ охота вэлі тэдны: уна-я сія вермас заробитны ета удж вылын и, суниссэ путшэтны пондэти́кэ, просто юалис:

— А уна-я...

Алексеевна, эбидитчэмэн, эмалис сійэ:

— Тье перло гэрдззы, а сыбэрын вэлись и цена йылісь юась. Ог суськы, меным чужэйыс оз ков... Кыкдас вит руб мерёжа понда. Да одзлань сетэны даз руб. Мый ешэ тьеныт колэ? Ед овнытэ тьеныт сідз и етадз немэн...

*

Варвара чожа вежэртис, кыз колэ гэрдззыны мерёжасэ, но Алексеевна, кэр локтиc сы ордэ, кэса кэритыштиc:

— Жагана гэрдззан... Отирыс нель аршынан луннас гэрдзэны...

Варвара лунтырэн ез чеччывы местасис. Дыр пукалэмсянь косыс да пельпоннъес рытъявнас пондывлісэ висьны иез сетэ узыны. Сунисыс вирэдз вундаліс шульга кисис одзисъ чуньсэ, кэда вылын сія зъелэтліс гэрэддъесэ, но Варвара упорнэя ез чеччывылы местасис.

Сія лыддис-ни быдэс ассис тэвся доходдъесэ. Быд лун сія босьліс аслыс урок: гэрдззыны не йетшажык нель аршыня.—Раз отир вермэны сымдаэн гэрдззыны, то и сія вермас, и жаггыв пондіс сымданаэс гэрдззыны. Этік мерёжа вылэ сія пунктіс кыкдас лун, и тэвбытэн думайтіс гэрдззыны не йетшажык вит мерёжася, быдыс кыкъямысдас аршынэн,—петіс не йетшажык сто кыкдас рубся.

Сто кыкдас руб! Эта мымда деньгаыс сійэ повзъэтліс и этлаын етакэт радуйтіс. Варвара эткажитчис мэдік уджжезіс и быдсэн пырис эта кропотливэй да гажтэм уджэ, орэтчывліс сы дыніс токо кагасэ вердэм понда. Но жаднэй учитик эмоксэ морос бердас жмитікэ, сія и съэтэн шушкис-лыддис:

— Керкусэ лэсьэтам, Коська, а то-ед крышаныс пуксэ... тулыснаэс карчйэрас омэн садитамэ быдкодь карчсэ... курэггез заводитам... Лоас миян, Коська, быдэс, кыз Захар дядьэлэн.

Алексеевна завидуйтіс Варваралэ. Кыдзкэ этпыр, сажень кузя мерёжасэ паськэтэм киезнаэс меряйтікэ, сія шуис:

— Перыта тье пондін гэрдззыны... И-и-и! Олышті-жэ-бы ме этнам, ныліньэй: ачыт аслыт хозяйка! Некин тьсепыт оз мешайт, некин оз указывайт.

Сылэ гленитчис Варвара керкуын лэньыс. Сын абу сія ладтэм суэтаыс, кытшэм частэ ов-лэ семьяа керкуезын. И ачыс Варвараыс, кажит-чис, берегитіс ассис движеннёесэ. Быдэс сія ке-рис съетшэм расчётэн, медбы керны хозяйство-ыс понда мыйкэ полезнэйэ.

Алексеевна вайис Варваралэ деньга первэй гэрдззэм мерёжаыс понда да, ассис чочкомкодъ синньесэ сы шогъя дзебэмэн, висьталіс:

— Вакрамеш нійэ... кыкдас руб токо мерёжа-ыс понда сетэны... На вот, бось остатоксэ.

Варвара монлаліс киас кык лэз бумажка и ез тэд, мый висьтавыны Алексеевнаыслэ. А мэдыт, кыдз нем абу и вэвлэма, сярзис:

— Золотэйэсь тьенат, нывка, киет... Бэбэв тьенат мужикыт—пышшэ съетшэм киез дынісь... Да-ед тьенчит киетэ хозяйствоэ-бы!

Варвара сё-жэ адззис, мый висьтавыны:

— Бабушка... можот, нія содтасэ... Керкуэс ме лэсьэтны мэда.

— Мыйлэ тьеныт керкусэ? — дивуйтчэмэн юаліс Алексеевна.—Некытшэм пода абу, а кер-ку... Мый тье!.. Ме, можот, тьеныт ешэ мерёжа вая да шыдэсок ведра мымда судзэта—гэрдззы токо.

Эні Алексеевна рытывбытэн пукавліс печкан-нас Варвара ордын.

Учитик лампаоклэн лэнь светыс сайэвтіс Вар-вара керкулісь бедностьсэ. Блед вуджэррез тырт-лісэ пустэй угэввесэ, и быдэс керкуас вэлі кок-нит, шонит уют. Варвара шытэг уджалісэ Алек-сеевнакэт, быдыслэн юраныс вэлі аслас дума, шочыника токо чапкисьлісэ кывмэдэн.

По мукэд пора ны рыттѣзлісь лэньсэ дзугліс уджтэм да шумнэй Зинаидалэн локтэм.

Ыбэснас горэн гымгэмэн, сія порогсяняс-жэ, сералэмэн горэтліс:

— Но мый, кыз, йен отшельница?

Керкусэ жаднэя дзаръялікэ да сылісь шоньтсэ и лэньсэ ас пышкас кыскикэ, сія, завидсэ сайлавтэг, ванзіс:

— Ох, Варя, и олышті-бы ме тьснат оланэн: кинэс охота, сійэ и лъедза!

Алексеевна, тырпезнас жалейтэмэн чупнитэмэн, лэгэн бериняліс юрнас:

— Ок, порядоккес эні не нія. Ме бы тьеись, мониньэй, мортэс кери-бы!

Нія пондісэ видчыны. Зинаида этік кылэн ез сетчы аньыслэ.

— А тэдан, маминьэй, люкасись мэсылэ йеныс сюрресэ оз сет!

Алексеевна перыта мунлывліс: ез любит сія ассис моньсэ и частэ байтліс Варваралэ:

— Тье, ныліньэй, ен верит Зинаидаыслэ. Тье аслат уджэн бытшкан сылісь синньесэ — вузалас сія тьенэ.

Ена кык инькаыс, аньыс да моньыс, этікыт токо вежэртисэ этамэднысэ:—кыкнанныс нія этмоз, пыдына да сьэлэмсянь ез любитэ колхоз, и Варвара тэдіс, што гортаныс нылэн частэ овлэны содоммез: Петр, Зинаидалэн жэникыс, упорнэя кыскис колхозэ, а инькасс лэга да настойчивэя пыкиссэ. Нія висьтасьлісэ Варваралэ:

— Миянісьыс совсем бэбсэліс!

— Миян хозяйствовэн да колхозэ мунны? Бэбмис, розоритчынытэ!

— Колхозас-ед өтiк голь-шмоль эксис.

— Миян, слава богу, хозяйствоы справнэй, — йен шуас, тулыснас ешэмэс ньэбам. Огэ-э, огэмунэ!

И ния вайэтлисэ пример туйэ кинэскэ, да ешэ кинэскэ, кин вэвтэг и мэстэг пырис колхозас, и дрэжитисэ думасянь, што пырасэ-кэ колхозас, дак эштасэ быдэс ассиныс доброньсэ.

— Да-ед съетчин токо даровэй вылэ надейтчэны!

Енэ инькаесэ кывзикэ, Варвара нем ез вермы вежэртны.

Сы син одзэ сувтлисэ Захар дядьыс, важнэй да почётнэй хозяин, и сiя дрэгнитлисэ думасянь, кытшэм съэкыта сылэ дэнзылисэ, кэр батрачитисэ сы ордын.

Эни сiя колхозас кытшэмкэ главнэй. И Варвара ез-жэ лэсьэтчы мунны колхозас.

— Бедняккеслэ съетчин, натьтэ, не эддён чэскыт. Батраккезэн, натьтэ, олэны.

Мукэд пора Зинаида ез вермы терпитны да полэмэн юавлисэ аньыслисэ:

— А этнас-кэ сiя мунас, кыз баитис... Можот, маминьэй, мунны миянлэ?

Съек Алексеевна лэгасьлисэ моньыс вылэ да лэгэн баитлисэ:

— Мун, мун, мунэ!.. Нем ме тiянлэ ог сет. Абунас, немтэг и мунэ.—Но чожа бурасьлисэ:— Бэбэв! Ась сiя этнас мунэ! Съек ме нарошно зятьэс тьеныт дом босьта. Ась мунэ, ась мамсэ оз кывзы.

Медбэртъя кадэ Алексеевна керкуын видчэмыс лэньсьыштисэ. Петр ветлэтисэ гажтэм, некинкэт ез баит,—щыкасс бурасенэ:—Вежэртчис!

Кэр вовлісэ Варвара ордэ, дак Петрыс йылісь езе-ни баитлэ.

Зинаида любитліс повзьэтлыны Варварасэ видзчисьтэм да лъечыт кыввезэн:

— Но, Варя, ета, батя, Андрейлэн вотёкыс! Быдсэи-ед Андрейыс вылэ вачкисья!

Этпыр Варвара висьталіс сылэ:

— Тье, Зинаида, ен гыжъяв! Ен кыскав Андрейсэ!

— Ен гыжъяв? Сідзкэ, сё ешэ зубыт?

Зинаида пуксис паныт Варваралэ да, юрсэ пыкыштэмэн, любопытствоэн следитіс сы сьэрын.

— Ед он суськы, Варя! Кыдз видзэтыштан Костяыт вылэ, сідз и казялан—чисто айыс. Сія и ачыс оз лысь суськыны.

И Варвара дынэ матэжык вешшэмэн, сія вашкыштіс:

— Адззыліс сіи зонсэ? Вовлэ сія тіянэ?

Варвара ез вермы вежэртны, кыз етэ Зинаида кузь рыт вермэ пукавны уджтэг да токо сякэйсэ лёбны.

— Но мый тье кывнат изан!? Тье прошва бы кэть гэрдззин!

— Но, висьталін! Эддьян-тай охота!

Но мукэд пора Варвара видзчисис Зинаидасэ, и кэр сія шумэн пырлывліс керкуас, Варвара терпеливэя видзчисис, кэр орас сы юасьэммезлэн конечтэм шорыс, а сыбарын гусьэник, торжественнэя шувліс:

— Давай, Зина, сьылыштам.

Сьылікас Варвараыс ез казявлы нуднэй уджсэ и гэрдззис перытжыка. Вэснит сунисыс нежык зубыта вундаліс чунпёсэ. И бур вэлі писня

увтас думайтны ассисе думасэ, йитны быдэс ассисе олансэ писнясис сьэлэмэдз йиджана кыввезкэт!

Варвара вештывліс мерёжасэ векнитик, мусолитчэм пэлок вылісь, и мерёжалэн чочком везыс веерэн паськавліс, вевттывліс сылісь пидзэссьесэ.

Писнясэ пондэтліс Зинаида.

— О-о-о-х.

Ок тье, ойиньэй-эй...

Да кузь ойиньэ-эй..

Ок да пемыт о-ой...

Зинаида дугдывліс, сьек Варвара эвтышліс аслиас вына, мороссянь петан, сьэлэм бэрдэ кутчан голоснас да отсавліс сы слабэй да вэснитик голослэ:

Ме йетша мыйкэ узи...

Узи, родимэ-эй...

Адззылі ме, адззы-ылі

Эддьэн-ед умэль вэ-эт.

Варваралэн киес этлаын паськалэм мерёжанас усисэ пидзэссьез вылас; синньесэ куньэмэн сія писня увтас уськэтліс тэдылас ассисе дженытик счассёсэ. И вунэтчэмэн, неберегитчэмэн юавліс Зинаидаыслісь:

— Кыдз-ни сія олэ эні? Том иньыскэт?

Зинаида дугдывліс сьывны, синньес сылэн паськавлісэ, эйывлісэ, и сія вешшывліс матэжык Варвараыс дынэ.

— Ок, Варя! Сё-жэ сьэлэмыт тьенат висьэ сы понда...

Но чожа ена кык инькаыслэн Варвараыскэт дружитэмыс орис—грубэя да сьэкыта.

Вэлі тэв чулалан кад-ни. Но Варваралэ езтырмы арсянь заптэм чашъяыс, и сія дрэжитіс

Кэдзытсѣняс, оййезнас аслас телѳэн шонтліс зонсѳ. Сіѳ пѳляліс сы учитик кноккез вылѳ и топыта-ед жмитліс сійѳ бердас, а кагаыс карчитѳмѳн горзіс.

Уджавны рыттѳезнас сіѳ ез-ни вермы. Кэдзытсѣняс гѳрдѳтѳм да кѳстисѳм чуннес ыштывлісѳ суниссѳ и езѳ вермывлѳ кѳртавын гѳрѳддѳсѳ. Варвара ѳктіс да сотіс быдѳс пѳввесѳ, кѳдна вѳлісѳ сылѳн заптѳмѳсь и, медбѳрын, кѳр ѳмѳн оградасис ѳтік чагжуг-ни ез туй адззыны, сіѳ локтіс Алексеевна дынѳ:

— Сет меным, бабушка, невна пес, кѳтъ ѳтпыр гор лонтны. Кынмам-ни мийѳ!

— А кѳр тѳе, ныліньѳй, вештісѣян?

Жырсис котѳрѳн петіс пашмѳм юра Зинайда?

— Мый етѳ? Вѳлі-бы мый понда сетны сылѳ?

Кысь сіѳ бѳсьтас вештісѣнытѳ?

— Да ме, Зина, уджала тіянлѳ, нетѳ вот деньга получита и сѳта.

— Да мун тѳе! Деньга получитан! Кѳр тѳенат деньгаыт ѳвлѳ?

Варвара сѳсѳся шы ез сет да петіс.

Мунны сылѳ сѳсѳся вѳлі некин ѳрдѳ. Ойнас, кѳр быдѳс суседдѳс узисѳ, сіѳ петіс керкусис да, оградаас недыр сулалыштѳм бѳрын, забор вевдѳрѳт гусѳѳник пырис Алексеевна оградаѳ. Шы ез вѳв некытѳн, токо кыліс, кыдз конюшнаын шурѳтѳ турунѳн вѳв да пиннезнас дзиркѳтышлѳмѳн, курччалѳ ассис кывсѳ мѳс.

Лымыс дзуркѳтіс Варвараыс кок увтын, мѳсыс вежѳрттѳг мургыштіс да бѳра спокойнѳя пондіс сѳйны. Варвара размѳдісѳ сибѳтчыліс навес увтѳ тѳечѳм поленича дынѳ, морос тырѳяс

босьліс пессэ да, забор дынас сибэтчэмэн, чап-каліс сійэ забор вевдэрэттяс, и пессьес, этамэд-ныс бердэ дженытика стукэтэмэн, джынысви вэйлісэ небыт лым столаас.

Кэр Варвара решитіс, што, пожалуй, ета пессыс сылэ лун куним кежэ тырмас, сія гусьэник пондіс кайны забор вылас, медбы петны аслас оградаэ.

Сія мад коксэ-ни пондіс лъебтыны забор вылас, кэр посодзсис уськэтчис Петр, и Варвара оз тэд мыйэн сія вартліс сійэ—зубыта, быд вынісь. Вачкэммес кылісэ омэн йяэттяс, и сылэ мучительнэя зубыт вэлі эшавны забор вылас, а юрас орэтчисэ-пырисэ сё этік кыввез—стыдыс! стыдыс кытшэм! Сія, кызд кужис, сайэвтліс киезнас чужэмсэ вачкэммес шогъя и гусьэн синваэзтэг сыркъяліс Петрыс съэкыт сэталэммессянь.

Сыбэрын Варвара тэдэ ешэ, кызд сы дынын чеччаліс да йэктіс Зинаидалэн лёк чужэмыс, кызд посодзсяняс мыйкэ оскорбительнэйэ горэтліс Алексеевна.

Садясис Варвараныс сія-жэ лым столаын, кытчэ вэлісэ чапкэмасть пессьес. Сы увтын кольччисэ кык пес. Съетшэм кызэсь кык пес! Пожалуй, нылэ зоныскэт тырмис-бы шонтісьны ойнас. Но Варвара лэгэн чапкис энэ кык пессэ бэр аслас тәння друггез оградаэ.

— Натэ! Босьтэ! Оз ков меным тіян песныт! Оз ков!

Чотышлэмэн, сія эдва-эдва кыссис гортае да чэвтчытэг ойбыт пукаліс крэватъ вылын, горзіс да гусьэник норасис кэдзыт пемытінас.

КУИМЭТ ГЛАВА

Сія шедіс. Ета вэлі тырмэмви, медбы быдэс суседдъес сразу казмэтісэ сылэ быдэс чулалэмсэ. Сылэ ез туй мыччисьны этэрэ.

— Сія думайтэ—бэбэввезэс адззіс!

— Зонкажугыс вылын и йэрнэсыс менам юбкаись вурэм!

— Кэбылаэдз гусясяс!

Сы вылэ мыччалісэ чуннезэн, сьэлалісэ бэрсяняс. А сія пиннесэ ыжмитэмэн, юрсэ мышкыр-тэмэн и кыдз тшыг нето травитэм пон, синкым-мес увтэянь лэгэн омэн дзарьялэмэн, муніс суседдъес видчэм увтын.

Первуись аслас олэм дырни сія муніс сель-советэ.

Председательыс вэлі простэй мужик, кытшэмэсь Варвараыс велаліс адззыны посадас. Сія немэн ез торйэтчы быдэнныс коласісь, кэдна вэлісэ дука, тшына комнатаас. Варвара сувтіс бокэ и видзчисис, кэр сійэ казяласэ.

Кытшэмкэ чожд, косэй сина, косясьэм тулуца мужик ладтэг эвтчис киезнас да сідз и кайис председателыс пызан вылэ:

— Да тье, Митрич, вежэрт! И ме сылэ баиті, и сія сылэ баитіс!—Косэй синаыс кузь тулуп соснас татшыкыштіс векнит эшын вылын пукалісь мужикыслэ:

— Быдэшыс сылэ баитісэ, што кэдзысыс сотчыны-ни поидіс, косьтыны сійэ колэ. Сылэ быдэнныс колхозниккес етэ баитісэ. Дак сія: „Ме —да мийэ асьным тэдам! Миянэс-пэ ен велэт! Ме-пэ полевод! А эні ответсэ видзны председа-тельлэ!

Косэй синаыс смешнэя эвтыштіс соссьезнас председателыс ныр одзын да копыртчыштіс:

— Сідз-ту, батя, спасибо. А сія, Захар Беляев, кольччэ бокэ? Этта, кытшэм кужэмэн!

Варвара, дядяыслісь нимсэ кылэмсянь, дрэг-нитіс да вешшыштіс матэжык, но съетэп председа-телыс, сы вылэ видзэтэмэн, висьталіс:

— Тьеныт мый, гражданка?

Гарвара эшыштіс видзчисьтэм юалэмсяняс да дзугис висьтавыны лэсьэтэм кыввесэ. Сія про-стэя висьталіс:

— Пес-бы меным...

— А тье кин, беднячка?

— А кин-нэ? Варвара ме... Потехина.

— А-а! Кылі ме тье йылісь.

Председатель видзэтыштіс сы вылэ, а Варва-ра бура гэрдэтіс, думайтіс, што председателыс кыліс сы йылісь, кызд сія мэдіс гусявыны Алек-сеевчалісь пессэ, и што сейчас сія сё-ни пондас баитны сыкэт ета йылісь.

-- Мый-жэ тье, Варвара Потехина, не колхо-зын?

Варвара смевсяліс:

— Но кытшэм мясянь колхозыслэ польза?
Батрачитныт-ед што колхозын, што воля вылын
—эткодъ!

Колхозниккес интересэн видзэтисэ Варвараыс
вылэ да видзчисисэ, мый ешэ сја съетшэмсэ
висьталас. Председательыс, тыдалэ, ез вежэрт.
Сја бергэтліс кнас жугалэм карандашсэ, а сы-
барын осудитэмэн качыкнитіс юрнас да висьта-
ліс колхозниккеслэ:

— Вот тиянлэ уджныт! Умэль удж! Энэдз
од вермэ бедняккесэ съэраныт кыскыны!?

Колхозниккес чэлісэ. Председательыс весь-
кэтчыштіс да Варваралань качыкнитіс юрнас.

— Но ладно, Потехина. Пессэ тьеныт ваям.
Мун секретарь дынэ, вешты и ашын ваям.

Рад петіс сельсоветсис Варвара. Веськыта
сы дынэ локтіс дядяыс. Варвара пондіс дрэ-
житны, и быдэс радыс сылэн кусіс. Сја мэдіс
кежны бокэ, но дядяыс видзэтіс-ни сы вылэ
учитик синоккезнас.

— А-а? Племенничаз! Мый-нэ тье пышшалан
ме шогъя? Здорово! А умэльтчэмыт-жэ тье, ров-
но и кынэмыт вэснитжык лоэма!

Варвара сулаліс сы одзын блед, чужэм вы-
лас лэз пятноэн. Съэкыта лолалэмэн, сја ось-
кэвтіс дядяыс дынэ.

— Лъедз, сьєрпэсь гаг!

— Да байтыш-жэ мекэт!

Дядяыс сы дынэ мышкыртчэмэн, чужэмас
сылэ пыма лолалэмэн, пондіс вашкыны лэга
да юалэмэнмоз:

— Ме вылэ норасян?

Варвара сувтчыштіс, юрас мелькнитіс дума, кызд этэ сія одзжык ета йылісь езд думайт! Сылэ сідз и колэ керны:—ветлыны сельсоветэ председатель дынэ да быдэс висьтавыны: сылісь видзесэ да мессьесэ гусялэм йылісь, сы йылісь, кызд сія батрачитіс ета ашнэй да сьэлэм-тэм мужик ордын.

И Варвара лэгэн, увереннэй аслас вынын да правдаын, висьталіс дядяслэ:—Но дак мый, и ветлі, и пораси!..— и муніс сы бокэт одзлань. А дядяис, сы бэрсянь мунэмэн, гусьэн чапкаліс сылэ бэрсяняс:

— Бэбэв, аслыт умэльжыкэ керан! Ме-ед тьенэ кызд му комокэс нэита да тэв вылэт льедза!..

Сія котэртліс одзас, каттисис кок увтас, мешайтіс сылэ мунны:

— Ме татэн быдэс верма керны, и тье лучше ныртэ ен сюйлы— таля кок увтам!

Варвара сувтчис:

— Дугды. Йетша тье менчим вирэс юни? Мун, висьталісэ тьеныт!

Варвара перыта, чуть не котэртэмэн пондіс мунны дядяис дынсянь, а сія шутьняліс да гайзіс сылэ бэрсяняс.

— Ого! Ме быдэс тье йылісь тэда! Сусед-дъес-ед горзэны тьесянь! Воровка!

Сельсовет посодзын сулаліс председатель.

— Тье мый, Захар, поннъезэс-я мый-я тра-витан?

Захарыс, гэрд чышгьянэн пымалэм кымэссэ чышкикэ, сразу лэньсис да мыдзэмэн макнитіс кинас туй вылас тыдалісь Варвараыс вылэ:

— Да вон. Некытшэм стыд ншькаыслэн абү!
Даскыкъямыс год оліс ме ордын, жоритіс, кыдз
пэттэм әр, а әні нельки спасибосә оз вись-
тав.

*

Чувелёввескәт чожа бәра миритчисә. Кыдз-
кә этпыр Варвара керкуә котәрән пырис Зинаи-
да и горзәмән пондіс кутавны да ыжмитлыны
Варваралісь киесә. Варвара неверитәмән думай-
тыштіс:— „Мый бәра сылә мясянь колә!“

Зинаида порасьәмись Варвара вежәртіс, што
Петрыс сә-жә чапкис нійә мамыскәт да муніс
колхозә.

Варвара горәтыштіс Зинаидаыс вылә:

— Да чәв тье, повзъәтан кагасә! Пондіс ун-
нявны!

Варвара сә ешә ез вунәт сійә ойсә, кәр сійә
вартлісә кулавтәдз и кыдз сія әдва-әдва кыс-
сис забор дынсяняс керкуәдззис. И әні сія ез
юась Зинаидаыслісь, ез жалейт сійә, а токо ка-
чайтышліс юрнас.

— Но, но, йетша ешә тьеныт павкис! Ве-
ләтчы!

— Но мый меным керны, Варя? ох, Варя!

Варвара мездісис клёшши кодь Зинаида
киезісь.

— Да нем не керны! Мый тье әддъәнсә пон-
дін! Етадз уннылан. Ета-я ешә овлә! Да мез-
дісь тье!

Варвара босьтіс киас горзыны пондәм ка-
гасә:

— Мыйлэ тье ме дынэ локтін? Мыйэн ме отсала тьеныт? Да ме ог и понды старайтчыны! Тье отсалін меным?

Варвара презирайтис эні етэ сыркъялісь инькасэ и вылынжыкэн асьсэ кылэмэн висьталіс сылэ быдэс, мый думайтис сы йылісь.

Кагаыс эмэ небыт мороссэ суйыштэмэн, Варвара локтис лэньсэм Зинаидаыс дынэ топ:

— И тье думайтан, ме тье одзын горзыны понда? Бэбэв! Менчим сиваэс тьеныт не адззывны!

Зинаида лэньсис да Варвараыс чорыта баитэмсянь ез и тэд кытчэ воштисьны да полэмэн пондіс шушкыны:

— Да тье, Варя, ен лэгав! Сё ешэ песыс понда лэгалан? Велалі-ед ме тье дынэ.

Зинаида бэра одзза моз пондіс вовлыны сы ордэ, кыз бытэтэ нем ез и вэвлы. Чожа мыйись локтис и Алексеевна. Сія кэса, и Варвараыс вылэ видзэттэг, юаліс:

— Но, мымда ешэ гэрдззин?

— Мэдік мерёжа пондэті.

— Но, но! Гэрдззы, гэрдззы...

Зоныслэн мунэмыс вийис старухасэ, сія дзормис да ешэ эддьянжык чулыртчис, и Варвара советуйтис нылэ:

— Дак мый тіялэ янын овны? И муніт-бы колхозас.

Алексеевна эвтчис кнезнас:

— Чэв тье. Чэв лучше!

Нія бэра этлаын чулэтлісэ лэнь рыттьесэ. Зинаида раммис, ез гильззы, сія шытэг и дырэн ворожитліс трефовэй король вылэ да мыйкэ вашкис тырпнезнас.

Варвара оліс аслас думаезэн, сійэ ез тревожит ена инькаезлэн несчассёе. Сія гэрдзис ассис мерёжаесэ и шытэг любуйтчис зоннас. Зонныс кыскасис куш чочком джоджэттяс, стукэтіс гор сайын западняись кэртывэй кольчоэн, каттисис инькаес подуввезын, учитик кулачокнае эктіс ёгсэ да веритэмэн кыкис быдэс эмас.

Варвара ез бэрыись: бырэм юбка вылас сія спокойнэя тьечис дэмассёез и ез думайт сы йылісь, што сылэ нянься да вася нем сёйны, сія вэлі рад, што олэ. „Но вот и енэ лун чулэті!“ Варвара чорыта веритіс, [што ена лунньес бэрын, кытэнкэ ем сылэн оланис, спокойнэй да счасливэй.

— Вот тулыснае карчйэрам бы кыдзкэ садитны.—Варвара баитіс етэ сідз, ас пондасис.

Алексеевна юалэмэн видзэтліс сы вылэ.

— Тожэ! Садитчыны лэсьэтчэ! А кытісь тье садитэмыс понда картовкисэ босьтан?

Тулыснае, кэр локтіс шоньт да дыр видзчисяна никола лун, кэда бэрын быдэс инькаес кэртзыррезэн петэны карчйэррезэ, Варвара пондіс котрасьны суседдъезэттяс—кошшыны картовки, но сылэн кык кысся нем ез вэв—и сылэ эткажитлісэ. Но сія сё-жэ адзис этікэ-мэдікэ да вермис садитны морков, капуста.

Алексеевна вайис сылэ быдса корзина картовки кыш.

— Вот, мэслэ ме берегиті, да бось-ни, садит. Можот мый и быдмас.

Варвара неверитэмэн, косэя видзэтыштіс корзина вылас.

— Ой, да мый тье, Алексеевна, быдмас разь?

— Садит, отир шуэны—быдмэ-пэ. А ачым ме ег пешлісь.

Варвара кутчис гарйыны карчйэрас мусэ. Кэртзырыс пыдына да кокнита пырис небыт муас. Варвара ласкова ляпкэтышліс да волькэ-тіс кэртзырнас гряддъесэ, пазэтіс кольччэм ко-моккесэ, Костяые пукаліс бороздаын, и Варва-ра горэтліс сылэ гряд конечсяняс:

— Можот, Коська, мыйкэ и шогмас!

Варвара гарйис карчйэрас мусэ быдэс, но джын гряддъес кольччисэ пустэйэсь: садитны съетчэ вэлі нем.

Варварасэ мучитісэ ена пустэй гряддъес, нія спокой сылэ езэ сетэ и сы юрын чужис отчаяннэй план:—кин тэдас, кыдзи ойнас сія ветлэтыштас чужэй йэррезэт да гаръяс сди-тэм картовкисэ?

Гаръяс сія съетшэм осторожнэя, што некин оз тэд ета йылісь съетчэдз, кытчэдз картовкиыс оз понды петавны. А сыбэрын? Да, можот, ку-рэггез гарйисэ. Быдэс-ед вермас лоны.

Варвара съетчэдз зорэтіс етэ думасэ, кыт-чэдз сія ез пэртчы чорыт решеннэя.

Сылэн невна петіс полэм: сія дрэгнитліс, кэр тэдылас усьлісэ Петрлэн сэталэммес и кытшэм ныж, съэкыт зубытэн нія кылісэ омэн сы яй кузя.

Варвара совсем-ни решитіс мунны гусясьны, кэр сы йэрэ пырис Захар дядьыс.

— Мыйлэ етэ сія локтіс?

Варвара сибэтчис сы дынэ матэжык да сувт-чис, а дядьыс ласкова пондіс баитны сыкэт, ка-гаыс вылэ мыччалэмэн:

— Мыля сїя тьенат съетшэм нятьэсь?

Векнитик бороздаэттяс дядьыс муніс Костя-
ыс дынэ да ыджыт кинас чышкис сылісь зы-
рымэсь ныроксэ.

Варвара шытэг сулаліс сы одзын. А дядяыс
гусьэник шыннялышліс тошас:

— Но, мый тье сувтін, кыдз бэбэв?.. Вон
картовки ме тьеныт вайи. Думайтa, менам, мы-
ся, кольчкис, а племенничаэлэн, натьтэ, пустэй
таво карчйэрыс. Вот и вайи.

Сїя бертіс ворота дынас, мышкыртчис да
пондіс пэртчавны нетыра мешэксэ. Варвара сї-
бэтчис сы дынэ совсем матэ.

Варвара ез тэд, мый сылэ думайтны, а дядьыс
хозяйскэя кнсьтіс картовкисэ мешэкисе ворота
дынас учитик вудок вылэ, и картовкиес тарэвт-
чисэ бороздаес кузя.

— Мешэксэ ме босьта...

Дядьыс пыркэтіс мешэксэ, каттис сїйэ да
оськэвтіс ворота дынэ, а сыбэрыи дзар керис
бэрас да горэтіс кагаыслэ, кэда кыскасис бо-
роздаэттяс да куталіс кноккезнас гырись руш-
мэм картовкиесэ.

— Тье, Коська!

Кагаыс, ассис нимсэ кылікэ, лъебтыштіс си-
ноккесэ да пондіс мыйкэ сюльтыртны.

Дядьыс ешэ этпыр сибэтчис сы дынэ да-
сералэмэн, гильэтыштіс чуннезнас зоночкаыс,
лісь голяоксэ:

— Норовит ужо! Кампеток ме тьеныт вая.
Ок, тье!

А Варвара сё сулаліс и сулаліс.

— Тъе мый, Варвара, барэтин синнъетэ? Пленнича-ед тье менам, вот и думайта, мыся, пыртышта кэдзыс вылэ мешэчоксэ. А тье... мый етэ тье совсем-ни вунэтин миянэс? Тье пырышлы, нывкаес менам гажтэмтчыны пондисэ: мыйкэ, шуэны, недопыт лоис, был!

Сія бантіс, добродушнэя кваркышаліс синнъезнас, и голосыс сылэн дзульзис съетшэм ласкова.

Варвара адззис коккес дынэ кисьтэм картовкисэ и думайтіс сы йылісь, што вундавы-кэ сійэ, дак позяс невна и сійэм понда кольны.

Варвара лъедзчисьыштіс му вылас да, пидзэс-сьез вылас кыскасьэмэн, перыта пондисэ эктыны кузь чочком роскна картовкисэ.

Сія, ассис кыввесэ умэля вежэртэмэн, горэтіс дядяыслэ:

— Локта, дядя! Коськаыскэт!

Захар, берегитчэмэн картовкиес коласэ тальччалэмэн, муніс, му вылэт кыскасысь Варвараыс бокэт, ворота дынэ.

Ворота одзас сія сувтчис да кыз аслас мортлэ строгэя висьталіс:

— Да тье ен-жэ сій картовкисэ, быдэс садит!

— Садита, дядя, быдэс садита!

Перыта чулалісэ ешэ кык недель. Варвара видзчисьны-ни ез вермы, кэр карчыс пондас петавны да горзіс рад увъяс, кэр му пытшис мыччисисэ картовилэн пемыт-зелёнэй листокес. Эні сія лунтырэн ез и петав карчйэрсис: весэтіс поснит карчсэ, кучитіс картовки да нежнэя веськэтліс муэн тырэм быд листоксэ.

Карчйэрыс ета вэлі сылэн аслас. И Варвара сідз заботитчис сы йылісь, што дзикэдз вунэ-тис да чапкис зоноксэ.

Асывсянь Варвара сюйыштас сылэ киокас нянь кусэчок, пуксэятас бороздаэ и лунтыр ке-жэ вунэтас сы йылісь. И зонокыс кыскасис омэн йэрэттяс, быд борозда уличаэттис да переуло-кэттис. Сія не этпырись эштывліс ассис няньсэ, адззывліс сійэ вились, да бэра сюйис эмас му-солитчэм да буснас тырэм кусэчоксэ. Киоккес сылэн повтэг кыссисэ быдыс дынэ, и сія мыйись вермис горэтліс, кэр чунёккес кутлісэ лэг петшэр. Кагаыс синваа синоккезнас кошшис мамсэ, но сія бытътэ ез и кыв зоныслісь гор-зэмсэ; Варвара, коссэ веськэттэг, весэтчис и ве-сэтчис, а зонокыс горзас горзас да этнас и бурасяс. Частэ вэвлі: пэрэтчас небыт, лёпмэм-ни турун вылас, кэдэ мамыс летіс гряддъес вылісь, да киокас няньсэ ыжмитэмэн сідз шонді морос вы-лас и онмэсяс.

Но сы туйэ рыттэзнас, кэр Варвара пырас гортас, сія вештыліс зоныслэ лунсяыс понда. Варвара окаліс сійэ, любитіс и горзіс, пэитіс киезнас нятьсянь чорзъм йэрнэсоксэ. А зоныс жаднэя кошшисис киоккезнас сы ковта увтын да лэня, корэмэн горэтышліс.

Кызкэ этік рытэ, кэр Варвара пукаліс крэвать вылын да нимэтис зонсэ, керкуас пырис инька. Эта вэлі Лизавета Пятидворка. Сія, натътэ, лок-тіс иньдыны Варварасэ уджавны. Варвара шың-ныштіс. Эта учитик, топытик пэрись инька вы-лэ видзэтікэ, ез туй не шыннявны. Сылэн пэ-рись чужэмыс этік минута дырна ез вэв спо-

койнэй, сія ныр вэрис да ласкова югэрасис тшэк чуқыроккезнас.

Сылэн быгалэм руд синньес котэртисэ омэн керкуэттяс да сувтчисэ Варвара вылын. Лизавета сибэтчис матэ сы дынэ да пуксис ордчэн сыкэт табурет вылэ и бытьтэ Варвараыскэт вазын-ни этлаын олісь, шожэтіс киесэ кагаыс дынэ.

— Ноко! Вай сійэ меным. Ок тье! Кытшэм небыт. Быдэс-ни сэскин мамтэ. А тье мый сы дырна нимэтан сійэ? Кад-ни сійэ няня бердсис кидтыны!

Варвара лъедзис сыэыт мороссэ йэрнэс саяс да ковтасэ кизялэмэн, гусьэника висьталіс:

— Дак-ед немэн сьесся вердныт сійэ.

— Да мыля сія тьенат сьетшэм сьэд? Видзэт-жэ, йэрнэсыс чегны вермас!

Варваралэ долыт вэлі Лизаветаыскэт. Варвараыслэ кажитчис, што ета инькаыс натьтэ быдэс вежэртас.

— Да сё некэр! Некедз ог вермы йештэтчыны!

— Но вот, и пондіс горзыны. Этікыскэт он вермы керсьыны!

Лизавета лъедзис кагасэ мамыс эвэдзэ да перыта пондіс ветлэтны керкуэттяс, быд пельэсас, быд шелляс видзэтіс.

— Тороканньесэ мымда плодитэмыт!

Сыбэрын хозяйскэя пондіс гымэтны кашниккезэн, ачыс дугдывтэг баитіс и баитіс, быдэс друг, и Костяыс йылісь, и Варвараыс йылісь, и ас йывсис.

— Давай-жэ миссьэтам кагасэ! Шоныт ваыс тьенат ем? А тье весь юртэ эшэтан! Ме вон

кыкъямысэс вайи, да и то ог горзы. А этнам-жә-ед быданнысэ быдті, дэваан-ни ветлэті, а тье! Тье съетшэм крепыт да чорыт! Тье дюжина-бы вайин! А то этікэс чужтін да и юртэ эшэтан?

Сія сьэләмсянь сераліс, и этлаын сыкэт сераліс и Варвара. Сылэ вэлі съетшэм долыт да бур, што охота вэлі горзыны. А Лизавета сё баитіс и баитіс:

— Тье вот—пыр этнат. Ета небытшэм. А тье отирыс коласэ петавлы, долытжык лоас!

Сыбэрын сія бэра босьтіс Костясэ да, вылына чеччэтлэмэн, бурэтіс:

— А тье, зонка, быдмы, д-да! Ок тье! Быдмы, висьтала тьеныт, да мамтэ овны велэт.

Костя кивзіс рад увъяс да сераліс пиньтэм эмнас.

— Лэсьэт-ко таз. Мый? Абу тьенат тазыс? Ок, тье, инькаиньэй! Но съек ведра вай, ведраын сійэ, пиньтэмэс, купайтам.

Варвара пуксьэтіс Костясэ ведра пыдэсас, кагаыс мыйись вермис пондіс горэтлыны.

— Шоча тье сійэ миссьэтлан. Видзэт, кыз горэтлэ!—И Лизавета кужэмэн бергэтліс кагасэ да вашкис сылэ:—Да дугды тье, дугды, зоніньэй, дугды, ыләстэм!

Но Костя чожа лэньсис да валитчыштіс ведра стенка вылас и эдва вэрэтышліс ваас вэснитик чунёккезнас.

— Видзэт тье! Кыз гленитчис! Ок, овны тье он куж! Отир коласэ тьеныт колэ петавлыны! Мунам-ко мекэт колхозэ весэтчыны. Вештасэ тьеныт да и вердасэ съетчин-жэ, весэтчанинас, и отирэс адззылан... Во-от, а эні мийэ кат-

Тям сійэ. На! Крепытжыкэ узыны пондас. А ета ваын и йэриэсоккесэ сылсь позьэ мисьжавны. Да дугды-ни нимэты сійэ! Тырмас, каша вылын олыштас! Видзэт тье пондіс нежитчыны, дышыс и кинас вэрэтышыны. Эй, тье, Костя!.. Но, дак мый-нэ, пыравны тье дынэ?

Варвара, зонсэ каттикэ, полэмэн моз висьталіс:
— Но-инэ, пырав... Да пукалің-бы ешэ ме ордын.

— Тырмас, муна-ни, дыр-ни пукалі, а тье?.. Вот адззылан — отир дынэ тьенэ пондас кыс-кыны.

Весэтчиссезлэн бригадаес вермасисэ ас коласаныс и Лизаветасэ панталісэ видчэмэн:

— Тье мый, бригадирша, сёрман?

А Лизаветаыс паныт нылэ гажэн мигнитіс:

— А ме вон кытшэмэ ёнэ вербуйті! Но, Варвара, ордчэн сувтам?

Варвара стыдитчис инькаес видзэтэмсянь и полэмэн пондіс уджавны. Уджалисэ унаэн. Нія гажа рэма пятноезэн мелькайтісэ омэн ыб пасьтас. Варвара унаэс естісь ез тэд, не быдэнныс, тыдалэ, тэдисэ и сійэ. Варвара лоис Лизавета да ешэ мэдік кыз да вылын мыгэра, эшэтчэм рожабана инька коласын. Сылэн рыжэй, бугыля синньес езэ кужэ шыннявны. Сія быд минутаэ сувтчыліс да треситіс йы сайэ мэртэм подувнас, кэда вэлі тыртэма ёгтуруннас.

Варвара бытшэма тэдіс ета инькасэ. Ета вэлі Анисья—Андрейлэн мамыс. Кэркэ Варвара думайтіс ета инькакэт олэм йылсь и сотчис охотаэн шуны сійэ мамэн.

Эні Варвара интересэн видзэтышліс Анисья
вылэ и ез адззы ас пыткас одзза желаннёсэ
лоны сы моньэн. Чожа сылэн чулаліс медодзза
повзьэмыс; Варвара вунэтчис уджас и муніс
кокнита, инькаесэ коліс бэрас.

Лизавета, гусьэника сералэмэн, горэтліс:

— Атшэтан тье миянэс, роботяга! Не вэтчы-
ны тье сьэрэ.

А мукэд инькаес недовольнэя бобгисэ:

— И мый сылэ быдэннысся унажык колэ.

Ылыныжык весэтчиссез дынсянь кылісэ пис-
ня кыввез, сьэлэмэдз йиджанаэсь да манитанаэсь:

Тэда, тэда: ми янсэтчам,
Кусас миян любитэм...

Варвара кыліс писнясэ и сылэ усис тэдвы-
лас Андрейыс:—Небось, тожэ колхозник?

Этамэднымэс вунэтчам—
Милэй, чапкы тэждісьэм.

Друг юрас сылэн мелькнитіс смев дума: „А
мый, вайи-кэ бы ме сылэ ассим Костяэс, вайи-бы
да висьталі:—Верд, тьенат-ед выродокыс!“

И бэрас дзар керэм бэрын, сія казяліс, што
сы вылэ видзэтэ Анисья. Сы бугыля синнъе-
зісь киссис Варвара вылэ сьэтшэм ненависть,
што сія пондіс дрэжитны, кэр думайтыштіс,
мый-бы вэлі Костякэт, сетіс-кэ бы сійэ Анд-
рейлэ.

Костя йылісь думаыс тшэктіс сійэ жагмэтны
уджсэ. Сія некэр ешэ ез ветлы сы дынсянь
сьэтшэм ылына и сія пыр вэлі сылэн син одзас.

— Костюшка, кыз тье талун метэг олан?

— Мыйкэ Варвараным миян гажтэм лоис...

Варвара гажтэма видзэтыштіс омэн:

— О-ох, Лиза!

Лизавета съесся ез кольччы сы съэришь, и ня кыкэн муниэ ылэ одзас. Варвара вынэн-ед летис мусис пырей вуджжесэ да лэгэн нэитис нийэ подулас. Прокленитэм олан!

А Лизавета тэждісьэмэн видзэтышліс сы вы-лэ да заботитчэмэн юавліс:

— Висьтав, мый тьекэт? Йэлыт сотчэ?

Кузь да эткодь луныс чулаліс.

Варвара чуть не котэртэмэн уськэтчис гор-тас. Кытшэмкэ куим код зонка йэрийсэ сылэ туйсэ улича шэрас, неылын горт дынсяняс.

Варвара мэдис шытэг ордйыны нийэ бокэттяс, но ня езэ лъедзэ сійэ. Зонкаес куимнанныс ордчэн кутчисьэмэн да сералэмэн чеччалісэ сы одзын:

— А-а? Варвара Николаевна?

— Бытшэма-я гусясян?

— Кора извинитны!

Веськыта чужэмас сылэ ня лолалісэ вина дукэн, а Варвара нем ез вермы керны, котрасис поперёг уличаэттяс, мырсис мездэтчыны. Кер-ку эшыннъезісь мыччисисэ инькаезлэн любопыт-нэй юррез. Зонкаес стыдтэм орсэм вылэ видзэ-тікэ, инькаес сералісэ, и зонкаес, стэ сералэм-сэ адззикэ, гайзісэ улича пасьтас:

— Бось мянэс этік ой кежэ! Андрейыс туйэ!

— Не быдэннымэс друг. Очередьэн!

Вэлишь Варвара мезмис ны дынісь да усь-кэтчис котэртны, а быдэс уличаыс шутняліс и гайзіс; Варвара гэрдэтис лэгасьэмсяняс да эби-дасяняс, эвтчис юр вывсис кульыштэм чышъян-

нас. А юрсинь сылэн съэкыт, помыт - каттьэтэн
усис спина вылас. Варвара бергэтчис да кулак-
нас грэзитіс туй вылын сералісь зонкаеслэ, сы-
бэрын мунны пондіс жагэника, мунікас юрсисэ
лэсьэтэмэн да бэрас зьелыт узэлэ сійэ каттьэмэн.

НЁЛЬЭТ ГЛАВА

Ашынас, кэр Лизавета бэра пырис сы дынэ нуэтны весэтчыны, Варвара лэгэн висьталіс:

— Ог-ни ме мун, отир коласас... Этнамлэ буржык, некин-ни оз эбидит. Ола-ед кызкэ.

— Давай, давай, лэсьэтчы. Мый етэ тье отирыс вылэ сідз лэгасин?

Варвара сідз ез и вермы мездісьны Лизаветаыс дынісь. Сія, тырппесэ гажтэма жмитэмэн да юрсэ мышкыртэмэн, бэра муніс Лизаветаыс сьэрэ.

Эні Варвара быд лун пондіс вовлыны картовки ыб вылас. И Лизавета баитіс:

— Но вот!.. Вот и бур! Велалан-ед жагвыв!

Зинаида эні ветлывліс-жэ Варвараыскэт весэтчыны колхозас, но унажыксэ сы понда, медбы адззисьлыны да баитышны аслас Петркэт. Лизавета, ыб вылас нійэ панталікэ, радуйтчис:

— Но вот!.. Чожа мийэ тіянкэт и сенокоситны петам!

Варварасэ кыскис уна йэза ыб вылас. Гажа вэлі уджавны и адззыны ордчэн, и одзсит, и бэрсит отирэс, кэдна керэны сьетшэм-жэ удж.

Но Варвараыс, кин тэдэ мыля, быд лун сюрліс ордчэн Анисьякэт, и ета дыш, кыз инькаыс

лэгэтліс сійэ. Анисья эддъэн частэ сувтчыліс, пэдэмэн да сьэкыта лолалэмэн. Весэтчис сја умэля, бэрас уна коляліс мусис тюй видзэтана поснит вуджжесэ. Этпыр кыдзкэ Варвара ез вермы терпитны да висьталіс:

— Весэтчы тье буржыка! Колялін вуджжесэ!

Пыр чэлісь Анисья, Варваралісь енэ лэг кыввесэ кылэмсянь, вежэрттэг сувтіс да лъедзис кисис туруннас подувсэ. Сьэкыт туруныс тыртіс сылісь коккесэ, а Анисьяис, пустэй подувсэ кватитыштэмэн да весись киезнас сійэ видзышлэмэн, шагньэвтіс Варвараис постать вылэ:

— А тье, мый? Хозяйка!

Весэтчиссес сьэрсъэн-бэрсъэн сувтісэ да любопытствоэн бергэтчисэ ны дынэ.

Анисья чижъяліс, резіс дульнас. Эні сја мэдис керны Варвараискэт счэттъез быдэс понда: и аслас полэм понда, што ета инькаис адззэм каганас вермас кышасьны сы зон вылэ, и сы понда, што ыб вылас Варвараис пыр муңэ одзас, куш чорыт кокгумаезнас свиттялышлэмэн.

Улісь дуллъэсь тырпсэ мэдэртэмэн, Анисьяис безобразнэя да лэгэн нерис Варварасэ, голоссэ кивзэмэдз лъебтэмэн:

— „Весэтчы буржыка!“ Ме тьеныт сідз весэ-та, эддъэнсэ он радуйтчы! Менам Андрюша вылэ эштэчин! Воровка тье! Никулиннъезлісь гез гусялін!

Варвара бледа шынньыштіс:

— Гусялі, а тье ен кут! Не кутэм—не вор!
Лизавета веськэтчыштіс да горэтіс Анисьяис вылэ:

— Тье ен срава! Мый тье инькаыс дынэ лья-
касян, ед и былъ, што тье он весэт, а токо ту-
рунсэ тальян!

Анисья, лёка видчэмэн, горэтліс ыб пасьтас,
смешнэя пишкис да чеччаліс:

— Вашэтэ и вашэтэ, быдэннысэ одзалэ. Тье
мый, награда мэдан босьны? Кутін-бы заоднем
быдэс ыбсэ, ашнэй!

Сія ез тэд, мыйэн ешэ эбидитны етэ, сылэ
нелюбэй Варварасэ и друг адззис сійэ—главнэй-
сэ, мыйэн туйэ бытшкыны, и радэн пондіс го-
рэтлыны:

— Да ед тье некин! Мийэ—қолхозницаез!
Асланым му вылын старайтчам. А тье татэн
нем туйэ!

И удовлетворитэм да успокоитэм сійэн, што
сія вежэртіс вэлись, што сія, Анисья, ета ыб
вылын хозяйка, сія, подувнас треситэмэн, ешэ
этпыр грэзитіс Варвараыслэ:

— И ен распоряжайтчы! Тье татэн нем туйэ.

Варваралэн смекыс петіс. Сія одзлань весэт-
чис и пинясис Анисьяыскэт:

— А тьенат дышсянят тырппет кызд блин
эшэтчэмась!—И спокойнэя пондіс мунны одзлань.

—Весэтчэ, весэтчэ, инькаез! Мый сулалат!—
горэтіс Лизавета.—А тье, Анисья—хозяйка, дак
буржыка уджав,—да, картовки кустыс дынэ бэ-
ра мышкыртчэмэн, видзэтыштіс Варваралэ чу-
жэмас:

— Сьэвзбы, Варвара! Сія, Анисьяыс, кызд
чирей. Вэрзэет токо сійэ, дак сысь и пондас
петны.

Токо ылісянь кылэм горэтэмыс лэньсьэтіс
Анисьясэ:

— Павжнайтны-ы! Павжнайтны-ы!..

Етэ стан дынэ кольэм поварихаыс кытсаліс
эбедайтны. Весэтчисес чапкисэ уджсэ, гажмисэ
да пыркэтчэмэн видзчисисэ этамэднысэ.

Лизавета ласкова видзэтис ыб вылас:

— Мымда керимэ! Этіклэ, инькаез, гожумбыт-
бы кыскасьны, а сымдасэ не весэтны.

Варваралэ пырис юрас кытшэмкэ виль ду-
ма. Но сія некыдз ез вермы кутчисьны сы бер-
дэ, думаыс эшлывліс сознаннёсис, Варвара вись-
таліс токо:

— Быль-ед! А этіклэ карчйэрын мусэ гарйы-
ны и то съэкыт.

Зинаида бэрсяняс лэга сераліс:

— А тье, Варя, тоёкас—гэрокэ, пытшэс—пи-
няэ, да и гэрин-бы.

Лизавета сё радэн дзарьяліс этмэдэрэ:

— Чожа вот сенокос, а сыбэрын страда. И
мый токо позьэ керны, этлаын быдэннымлэ!
Инькаез! Гамазэн мийэ-ед и керэс пэрэтам.

А сыбэрын сія зангыштіс Варваралэ бокас
да горэн висьталіс:

— Мый токо тье видзэтан ена инькаес вылэ!
Давай, Варя, пыр колхозэ.

Зинаида бэра горэтис бэрсяняс:

— А мый колхозас бурис, этік видчэм!

Анисья тожэ бобгыштіс:

— Менам колхозас нетель, и сія пеллесэ
эшэтис.

Зинаида вэснитика да сералэмэн нюжэти:с:

Ог тэждись колхозэ локта,

А семьяэ горзэ дэс.

Гэрдлэ горзэмэн вэлкэ,

И причотэн бакэс мэс.

Лизавета сувти:с да, бэрас бергэтчэмэн, споконнэя видзэтыштити инькаес вылэ:

— И мый тийэ, инькаез, кыввезнаныт лёбат? Кин тиянэс велэти:с съетшэм кыввезас?

Бэрсеняс кыли:сэ кынымкэ нетерпеливэй голос:

— Да мый тье, Лизавета, байтан сыкэт? Ем кинкэт байтны.

— Тье, Зинаида, киоккетэ ассит велэтин-бы сидз изны, кыз кывнат изан. Видзэтан-кэ, пользаыс унажык-бы вэли. Колхозас тьенэ некин оз кор. Тьеныт быдмыны ешэ колэ колхозэдззис...

— Не весь-ед сы дынись жэникыс пышшис.

Стан дынас Зинаидаыс чукэрти:с ас гэгэрас инькаесэ да шушкис:—Адззат, колхозэ Варварасэ кыскэ! А-ед сия, Варвараыс, пожалуй мунас! Сылэн тырмас стыдыс! Мый сылэ: отирыс—Иван, и ме—Иван; отир—ваэ, и ме—ваэ, быдэс кыз отирлэн! Голь-шмольсэ да ворресэ-ед эктэны колхозас.

Варвара кыли:с Зинаидались етэ лэг шушкэмсэ да байти:с Лизаветалэ:

— Норовит, Лиза, вот видзэта-кера, да можот и пыра колхозас.

Рытъявнас верзьэмэн сивэй вэлэн ны дынэт мунис Захар Беляев. Инькаес гажэн горэтлисэ сылэ быд ладорсянь:

— Эй, полевод! Кеж мян дынэ отсавны!

Лизавета, ордчэн Варваракэт пукаликэ, сылэ нелэсялана лэгэн видзэтыштити Захарлись сыэкыт

фигурасэ, кэда пэлінясис вэв вылас, да пиш-
кыштис:

— Правленец паршывэй, первуйись ыб вы-
лас кайис!

Захар шыннiallyшліс паныт ньякаеслэ и мэ-
діс сувтэтны вэвсэ, но казяліс Варварасэ да
вайэтис синкыммесэ оча, босьтис шапкасэ, ко-
пыртчыштис да муніс одзлань. А сія-жэ лунэ
рытнас, кэр Варвара миссьэтис ведраын муэсь
киесэ, дядяе локтис сы ордэ да ласкова вись-
таліс:

— Здорово тьеныт, племеннича!—да, крэвась
дорэт шагнялісь кагасэ кутыштэмэн, радэн го-
рэтис:—А-а, Коська! Но, лок, лок ме дынэ!

Сія суйыштис кисэ корманас и кыскис съет-
чинісь бусэн ляссьэм кампетки да, Варвара вы-
лэ торжественнэя видзэтэмэн, суйис канпеткисэ
зоночкаыс кноккезэ:

— Вот сідз! Эк, тье! Кин тье меным лоан?
Нучок? Хе-хе! Но, но. Кыдз-ни олан, племеннича?

— Ола то, дядя... Да тье лок саяс...—Варвара
тьермасьэмэн сувтэтис сылэ табуретка.

— Пуксьы!

Захар видзэтис омэн керкусэ:

— Беднэя-жэ тье олан...—Но сія вежэртис,
што ез ков етэ висьтавыны и кватитчис:—Но, но
ов! Колхозэ, шуэны, лэсьэтчан пырны?

— Да ог тэд, дядя... Кыдз советуйтан?

Бытьтэ сы олан понда тэждісьэмэн, Захар
бериняліс юрнас:

— Ог тэд, ог тэд... Пешлісь, корсьы. Вэв-
тэммесэ мыйкэ оз примитэ-да. Озэ примитэ... И
мэсьсезтэг вот озэ-жэ пондэ примитны. Колэ

мэс да ешэ сьетшэмэ, кэда унажык керэ назём. Вежэртан? Унажык назём!.. Сія уна-ед колэ колхозыслэ.

Варвара ез вежэрт—сералэ Захарыс нето былъ байтэ.

— Да мый тьеныт колхозас смек вылас пьрыны? Мый ковяс, тье ме дынэ! Сьэкыт лоас овны—тье ме дынэ! Тьенат-ед ем кин дынэ мунны. Ог эткажит!

Варвара, эмсэ осьтэмэн, кывзис сійэ—сія токо ез вермы вежэртны, мыля-нэ сьек Лизаветаыс кыскэ сійэ колхозас.

А Захар, тошсэ летэмэн, сё байтис и байтис: — И Лизаветакэт тье весь тэдчан. Умэль ета инькажугыс, Лизаветаыс. Сё, натьтэ, юасьэ тьенчит? а?

Сія пытливэя видзэтыштіс Варвараыс вылэ, жалейтэмэн бериняліс юрнас:

— Сьетшэм модзанканат бурэдззис он лок!.. Тье миян бердэ унажыксэ видзсы. Миянэ вовлы. А ныкэт тьеныт и байтны нем йылісь.

Ета кадсянь Захар пондіс частэ вовлышы Варвараыс ордэ и быд пора вайліс Костя понда канпетки. Кыдз токо сія пырас керкуас, зоночкаыс тьермасьэмэн кыссьывліс сы дынэ да, рада сюльтыртэмэн, чеччалышліс сы коккез дынын.

Захар вайліс этікэ-мэдікэ и Варвара понда. Этпыр кыдзкэ сія пэрччаліс гэрд чышъян да торжественнэя лъедзис джоджас кык типэс. Сія сераліс, кэр Костя горэтлэмэн кыскасис ны сьэрын, а нія чепэссьывлісэ, тьермасьэмэн лъэбзьывлісэ эшыныгез дынэ да полэм увъяныс вартчысэ эшын стеклоезас. Варвара видзэтіс дядяыс

вылэ радэн, висьталіс сылэ спасибо: заводитны аслыс курэггез—ета йылісь сія думайтіс ва-жын-ни.

Кэр дядяыс пондіс мунны гортас, Варвара кольлаліс сійэ воротаэдзис и ез тэд, кызд бла-годаритны сійэ. Сія шуис токо:

— Ме, дядя, пырала тіянэ.

Кэр Варвара кольчис этнас, сія думайтіс, мыйэн-жэ вештісьны дядяыскэт сы понда, што сія съетшэм добрэй и сідз тэждісьэ сы йылісь.

*

Захар быд годэ ытшкисьны петліс сразу пе-тыр лун бэрын. Варвара видзчисис етэ лунсэ и этлаын Костяыскэт локтіс ны ордэ. Оградаас паныт сылэ уськэтчис Полкан. Сія лэзма гэна-жык да лэгжык, но кытшэм сія радэн унныліс да чеччаліс сы дынын! А Варвара видзэтіс омэн оградасэ, кэдаын нем ез вежсьы сы мунэм бэ-рын и кэдаын сія тэдіс быдэс учитик пэлокэдз.

Конюшнаын горэн сёйис мэс. „Уна назём ке-рись мэс“—усис Варваралэ тэд вылас. „Дак мы-ля-нэ дядялэн мэсыс не колхозын?“—вэрзьыштіс дума. Полэмэн сія пырис керкуас. Быдэс семьяыс пукаліс пызан сайын. Анфиса тёткаыслэн чужэ-мыс нюжаліс, а синнъес полэмэн пондісэ шен-ласьны керкуэттяс. Варвара вежэртіс, што тёт-каыс повзис сы локтэмсянь и сералэмэн, прос-тэя висьталіс:

— Здорово тіяңлэ! Роботниккез тіяңлэ талун кежэ оза колэ? Мийэ зонэкэт локтім отсавны тіяңлэ.

Дядяыс чеччэвтіс пызан сайисе да, кнессэ паськэтэмэн, тонас сералэмэн, пондіс мунны

паныт Варваралэ. Анфиса да ныввес вежэрттэг видзэтлісэ этамэдныс вылэ: ня еза вежэртэ айнысэ. А Захар кватитіс Варвараыс киись Костясэ да, вылына сійэ лъебтэмэн, горэтліс иньыслэ:

— Мамыс! Да тье видзэт-жэ, кытшэм мян нучокным! А? Да бось тье сійэ!

Вежэртіс-я Анфиса жэникысліс действиясэ али былісь друг рад лоис племенничайслэ, — сія чеччис, босьтіс Костясэ Захарыс киись, и быдэнныс ня уськэтчисэ сы вылэ, нямралісэ да мыйісь вермисэ окалісэ.

— Ок-к тье... Кытшэм!

А сойіез киез увтсаяныс бокэн видзэтісэ Варвараыс вылэ. Кытшэм сія лоис.

Ня беспокойнэя куталісэ этамэднысліс видзэтэмсэ. Мыйкэ независимэй да вына явитчис Варваралэн тырп пельэссъезас да руд синнъезас.

Сыбэрын вэлісь кагасэ колісэ Анфисакэт и быдэнныс косаезэн пельпоннъез выланыс мунісэ ытшкисьны.

Сойіез горэтлісэ покоссъес-пыр, юасисэ Варваралісь быдыс йылісь: Костя йылісь, кагасэ вайэм йылісь, суседдъес йылісь.

Варварасэ ытшкисьэмыс таво ез гажэт. Туруныс, пята бэрсянь дыша кыссьэмэн, покорнэя водіс лэдзэ. Варвара увереннэя да паськыта эвтчис киезнас да косаыс вачкэм съэрти пондэтіс покоссэ. Сія спокойнэя ытшкис кусттъез да мыррез гэгэрсэ и частэ мышкыртчыліс, мед нетшкэвтны зоныс понда турунсіс гэрд озъягэдсэ. Ытшкисьны лоис съэкыт, шондіыс сотіс юр. Съэд лэдзез чушкалісэ спина да киез, быд турунокыс кажитчис съэкытэн да неколанаэн. Сой-

йез чапкисэ вьвсиныс ковтаезнысэ да этік йэр-
нэссъезын, ьджыт мороссъезнаныс треситыш-
лэмэн, эддьэн частэ сибэтчылісэ ваэн туис дынэ.

Ытшкисисэ нія вэлісь мэдік гожум. Кыкнан-
ныс неколана эддьэн мышкыртчывлісэ одзлань
и, кажитчис, усьлісэ коса вылас, му вылэттяс
сьэжыта сійэ кыскэмэн. Коса йыввес частэ мэрт-
чывлісэ муэ и, косаезнысэ шедтікэ, нія видчисэ:

— Ак тьенэ, чортэс!

Покоссъезныс нылэн ьтшкэмэсь вэлісэ не-
ровнэя да нечистэя, и Варвара сералис:

— Мый етэ тіян покос выланьт чочком цвет-
киез быдмэны?

Видзчисьтэг видз вылас локтіс Андрей Доро-
хов. Вэлыс сы увтын вэлі лажмытик да пась-
кыт, и Андрейлэн векнитик вешъяна да бокэ
тальэм чорыт сапога кузь коккес чуть токо эз
павкэ му бердас.

Сія мунікэ (находу) чеччэвтис вэв вьвсис да,
кэр казяліс уджалісь инькаесэ, друг чужйисис
и, мед не усьны, дыр котэртис, му дынас лаж-
мыта мышкыртчэмэн да кузь киесэ паськэтэ-
мэн.

Варвара ьтшкисис одзза моз спокойнэя да
бытшэма, а сойісз, ны пантасьэм сьэрын следи-
тэмэн некыдз езэ вермэ вежэртны, мый сьэтшэм-
сэ юалэ нылісь Андрейыс.

Коса вылас пыксэмэн, Варвара макнитис ки-
нас пину куштъез вылэ:

— Вон сьэтчин сія ьтшкисьэ, дядяэ.

Но Захар ачыс петіс пинүүс коласісь да дэ-
гэн сувтэтіс сіншъесэ Андрейыс вылэ:

— Мыйлэ локтін?

— Тъе дынэ, Захар Иваныч, иньдісэ; царедитны тьенэ. Колхозниккес видчэны: шуэны, правленнёйсь член, а колхозас оз уджав. Аслыс ытшкисьэ!

Захар лэга да кузя видчыштіс.

— Будь ния... Оз вермэ метэг.

Андрей локтіс аслас вэв-дынэ да, подпругасэ зьелэтэмэн, видзэтыштіс Варвара вылэ.

— Давай мунам, Захар Иваныч. Йетшаэсь миян отирыс. Медавны ковсэ. Небытшэм петэ, Захар Иваныч.

Захар друг уськэтчис ныввес вылэ:

— Тійэ мый ковтаезнытэ чэвтіт? Стыдныт абу!—и муніс избушка дынэ да мунікас горэтіс:

— Видзоксэ етэ ытшкыштэ талун!

Соййез уськэтчисэ кошшыны ковтаезнысэ, а Варвара бэра пондіс ытшкисьны. Андрей сё мошкоритчис подпругаыс дынын, видзэтышліс вэлыс кынэм увтэ да шынняялышліс. И кэр Варвара вайэтыштіс покоссэ сы дынэдз, Андрей висьталіс:

— А тье кыз татчэ сюрин?

Нывкаес кышыштісэ ковтаезнысэ да котэртисэ ны дынэ.

Варвара небурика вэрзьэтыштіс тырппезнас, но нем ез висьтав. Сія ытшкисене одзлань. Туруныс пессис сы коса увтын да лэня шумитышлэмэн лёдззезэн усис бэрсяняс.

Андрей чеччэвтіс вэв вылас, горэн шутньэвтіс да, коккезнас этмэдэрэ эвтчэмэн, скач пондіс гэнитны Захарыс сьэрэ.

Соййез сідз сзэ и тэдэ, мый йылісь Варвараыс бантыштіс Андрейыскэт.

Варвара спокойнэя ытшкисис рытэдззис, дзик кыз нем ез и вэв. Сія нельки ез вунэт вовлыны быд мыр дынэ, кэдна вылын куйлісэ Костя понда нетшкэм ягэддъес.

Варвара ез тэд, тырмэмви-я лоас вештісьны дядяислэ быдэсыс понда этік луп уджалэмнас. „Можот, и тырмас“—думайтыштіс сія да съесся дядяис ордэ ез-ни мун.

ВИТЭТ ГЛАВА

Кынымкэ лун бэрті Варвара ордэ бэра лок-тіс Лизавета. Сія лэгэн видзэтіс Варвараыс вы-лэ и ез котрась керку кузяс, кыздз первуись локтэм дырни, а чужэй моз чиннэя пуксис та-бурет· вылэ.

Варвара видзчисис сійэ важын-ни. Сылэн уна-ни эксис съетшэм, мыйын вермис-бы вежэртны сійэ токо Лизаветаыс. Но эні Лизаветалэн лэг чужэмыс повзьэтіс сійэ. И Варвара пондэтіс сідз:

— А менам, Лиза, Костяэ котрасьны-ни пон-діс! Костя, Костя, но лок ме дынэ, лок!

Сія пуксис кекеркаэн да, киесэ нюжэтэмэн, кытсалис зонсэ дынас. Костяыс, кококкесэ съэ-кыта вешталэмэн да киоккесэ паськэтэмэн, пон-діс оськавны мамыс дынэ.

— Кокнита быдмэ,— шыасис Лизавета. — Дядяйтлэн сёяныс-ед кокнит.

Варвара ез вежэрт, причом съетэн дядяыс, и видзэтіс Лизаветаыс вылэ, видзчисис, мый сія ешэ висьталас.

И Лизавета висьталіс:

— Но, мый видзэтан, кыдэ кырныш вылэ факка? Колхозэ тьеныт колэ мунны, а тье бэра батрачитан дядюшкайтлэ!

— Нем ме, Лиза, ог вежэрт. Тье шуан—колхозэ, а дядяэ шуэ, што вэвтэммесэ съетчин озэ примитэ, а-ед сія—правленнёын... тэдэ.

Лизавета сувтіс:

— Сія висьталіс тьеныт етэ? Но жэ, но!

И думайтыштэм бэрын, сія мигнитіс Варвараыслэ:

— Съэвзы тье сылэ. Пыр, примитасэ, пыр!

— Норовитыш, Лиза, стыд меным тэв кежас пырнытэ. Тулыснас вэлісь.

— Но, ладно, уна меным вежэртана лоис дядыт йылісь, да видзчисьышта кытчэдз, шы ог сет, видзэта мый одзлань лоас.

Сія бэра пуксис, но эні ордчэн-ни Варвараыскэт эшын дынэ лабич вылэ, и нія пукалісэ сідз, матэ-матэ этамэдныс дынэ, и пемытэдз батісэ.

Мунікас Лизавета юаліс:

— Ашын мийэ вундыны пондэтчам. Рудзэгыс эті-мэділаэт киссьыны-ни пондіс. Локтан?

Ашынас, одз асывнас, Варвара ёркэтыштіс Алексеевна керку ставеньэ. Эшын саяс мыччисис Зинаидалэн узьэмсянь пыктэм чужэмыс. Сія лэгэн моз горэтыштіс Варвараыс вылэ:

— Мый тье?

Зинаидаыс пашмэм юр сайсянь мыччисис Алексеевналэн чукура чужэмыс, и сія сідз-жэ надза юаліс:

— Тье мый?

Барваралэ сыэыт вэлі пондэтны, кытшэм
могэн сія локтіс. И сія друг горэтчис:

— Коськасэ этнасэ полэм-ни петэ кольны.
Оз-я туй, Алексеевна, тье ордэ кольнытэ? Кол-
хозэ ме муна вундыны.

Эшыныс сразу оссис ванйэв, и инькаес кык-
нанныс ордчэн мытчисисэ эшынас.

— Вундыны?

Зинаида кутыштіс Алексеевнасэ ковтаэттяс
да ласкова видзэтэмэн юаліс:

— Маминьэй, ме муна-жэ?

Алексеевна дыр курччаліс тырпсесэ и сыбз-
рын, мыйкэ вежэртэмэн, гогыш керис юрнас
Барваралэ:

— Но, вайэт Костятэ. Видзэтышта ме сы
сыэрын. Да сёянсэ сылэ вайыш.

И керкуас сайэвтчэмэн, сія горэтыштіс мо-
ныс вылэ:

— Но, мый пукалан? Лэсьэтчы!

И кэр Лизавета пырис кытсавны Варварасэ,
сія этік инькаыс туйэ адззис кыкэс. И кэты
Лизавета не эддьэн веритіс Зинаидаыс вынэ,
но радмис:

— Но, но! Суслон вундан и сія бур. Мунамэ!

Мунны вэлі неылын. Рудзэг ыбыс нежъяліс
золотэй шеппезнас сразу-жэ посад саяс. Локтэм
инькаес кытшэвтисэ колхозісь председателысэ
да шумитисэ. Нія некыдз езэ вермэ янсэтчыны
— кинлэ ны коласісь мунны вундан машина
сыэрын кэртавыс кольтаес, а кинлэ мунны не-
ыджыт мыръя ыб вылэ, кытэн машинанас вунды-
ны оз туй, и вундыны ковсяс чарлаезэн.

Председательыс—самый сия невидный, косый сина мужикыс, кэда Варвараыс адззыліс сельсоветас, вынтэма моз эвтчис киезнас инькаес дынісь да лудовкаэттыс петитчис улэ, рудзэгыс веж стена дынэ. Инькаес быдэнныс этік эмись горэтлісэ:—Кинлэ ма, а кинлэ сулема.—Кытшэмжэ ета порядок?—Этіккеслэ кольтаоккез кэрталышлыны, а мэдіккеслэ вундыны—муэдз мышкырасьны?—Быдэнныс кэртавны не бэбэлэсь...

Председательыс, куражкасэ юрбэр вылас вештэмэн, друг горэн советуйтіс инькаеслэ:

— А тійэ, инькаез, жеребей чаккэ!

Вундан машинаыс борддъесэ лъедзэмэн, пельэс сайсяняс пырис-ни рудзэгас. Рама лэз бэжыс, шонді вылас югъялэмэн, зъегалышлэмэн лъедзчисис му бердас. Борддъес, чакэтэмэн, кэстісэ рудзэгсэ пурттъез вылэ да шупкалісэ му вылас кэрталэм понда готовэй содззесэ.

Машинанас веськэтліс Петр Чувелёв. Сія лъебтісьыштіс сиденнэ вылас, инькаес вылэ видзэтэмэн:

— Эй, тійэ! Базарэ локтіт? Пондэтэ!

Инькаес вежэрттэг видзэтисэ бэряняс председателыс вылэ, кэда чуть не котэртэмэн пышшис ны горэтлэммес шогъя.

Варвара следитіс Зинаида съэрын и адззис, кыдз сия муныштіс бокэ инькаес дынісь да, голясэ нюжэтэмэн, видзэтис вундан машинаысланья. Варвара думайтыштіс: „А-а? Лямэтіс съэлэмтэ?“

Лизавета радмис машинаыс шумитэмсянь да горэтис:

— Инькаез, кин мунас мекэт вундыны? Мунам.

Сы сьэрэ, видчэмэн, вэрзисэ дас морт кыным.
Мукэд инькаес уськэтчисэ машинаыс сьэрэ.
Варвара муніс Лизавета сьэрэ. Сія любитіс
вундыны и не кызд ез вермы вежэртны, кызд
етэ туйэ видчыны уджсэ бэрийэм кузя. Кольта-
ез кэртавны. Уджыс кытшэм муторнэй!

Варвара пондіс вундыны. Одзас шумитышлэ
конечтэг ылэ нюжалэм кузь рудзэгыс, и вэсни-
тик заыс кэстисьэма шепыс сьэкытасянь, а бэр-
сяняс сё-содіс и содіс куш, шетна кодь вун-
дэм подыс.

Варвара недыр мыйись муніс одзас, одзалис
быдэннысэ. Сія уверенцэя босьліс да вундалис
чарланас кэс рудзэгсэ кырым бэрын кырым, и
рудзэгыс покорнэя эшэтліс ассис тыра шеппесэ
сы кыин.

Варвара коддзис рудзэгыс муркэтэмелянь, гэр-
дэтіс да задорнэя горэтліс бэрас:

— Ед кольччэ!

И радувьяс чуть кыліс, кызд инькаес горэт-
лісэ сылэ:

— Жагвыв тьермась!

— Эй, тье, Варвара!

— Но, бэбмис мияи Варвараным!

Лизавета дернитіс сійэ пельпонэттяс:

— Лок, пукалыштам, ась коссъезным позяласэ.

Варвара сибэтчис межа вылас пукалісь инь-
каес дынэ. А нія недружелюбнэя лэньсисэ.

Лэнь тэлыс ылісянь вайэтліс ны дышэдз вун-
дан машиналісь гурэтэмсэ. Кытшэмкэ томыник
ичмонь, турун вылас куйлікэ, курччаліс эмас
идзас тылэпоқ да нёбоас видзэтэмэн, гажтэма
висьталіс:

— Чожа-я-ни гортэ...

Варвара видзэтыштіс нёбоас. Съетчин величавэя уйис рэма да палитан шонді. Рытэдззас вэлі ешэ ылын. Варвара лэгэн видзэтыштіс ичмоньыс вылэ: „Кыдз баршина вылын! Удж вылэ муна, да шонді вылэ видзэтла“.

Лэгасьэм, сія муніс аслас постать дорэ.

Инькаес дынэ сувтчисэ кык вэв, кэдпа вэлісэ доддялэмась паськыт телегасэ. Бэрись вэлыс мэртэма юрсэ одзись телега бэрас да гажтэма кысисе сы сьэрэ. Одзись вэвсэ, паськыта оськалэмэн да кузь коккез вылас пэрласьэмэн, нуэтіс Андрей Дорохов. Сія сувтэтіс вэввесэ, чеччэвтіс медодзза телега вылас да горэтіс:

— Эй, инькаез! Бэра пукент-ни! Давай, мыччалэ кольтасэ.

Инькаес сэралэмэн пондісэ тыртны Андрейсэ кольтаезнас, и кэс шепшес вартісэ сійэ чужэмэттяс. Сія куньліс ешишьесэ, но инькаес коласіс казяліс Варвараэс: сія ыджыт пошаэн босьталіс кольтаесэ да тьечне мэд телегаас и совсем сз и адззы сійэ. Андрей чеччэвтіс му вылас да, медодзза телегасэ кэрталэм бэрын, сибэтчис мэдыс дынэ. Телегаыс вэлі готов-ни—тыртэм, кольччис токо кэртавны сійэ геззьезэн, но Андрей мestaanь местаэ тьечліс вевдэрись кольтаесэ и размэдіс шупкыліс ны вевдэрэт гезсэ, а сыбэрын лэгасьэмэн кыскыліс сійэ бэр, — мыйкэ сылэн сз лэсяв. Сыбэрын вэліс гез конечесэ сія пондіс кэртавны телега облуч бердэ, ачыс пыр Варвараыс вылэ видзэтышлис.

А Варвара мыйкэ йыліс гусьэник бантіс Лизаветакэт. Андрей совсем-ни кэрталіс телегасэ,

Но вэлые сз вермы вэрзэтын сійэ местасис. Сія чепэссыліс бокэ, петіс огобляезсис да, гэг-рэса, синваа сингъезнас одзас видзэтэмэн, вын-сътчэмсяняе быдсэн дрэжитіс.

Варвара сибэтчис телега дынас, пыкис додь бэрас, видзэтыштіс Андрей вылэ да серэмтчис:

— Эта вэлэн токо писняез кыскавны!

Шондіыс нильдыштіс-ни улэ да пондіс вэй-ны сук, пемыт вэр саяс, кэр нія кончитісэ уджсэ.

Вундэм под вылэт кыскасьэмэн, Варвара эктіс подулас кольэм шепсэ. Этік вундісь етэ сз кер, и Лизавета мыччаліс Варвара вылэ да вись-таліс мукэддъеслэ:

— Инькаез, быдэннытлэ не грек-бы вэлі эк-тышны шепсесэ!

Быдэнныс нія чожа мышкыртчисэ да тьер-масьэмэн пондісэ эктыны шепсэ и сюйны пійэ матісь суслоннъезэ.

Варвара сувтіс. Сія вежэрттэг да повзьэмэн моз видзэтіс быдэнныс вылэ:—сія пондіс эктыны шепсэ, медбы нэбэтны сійэ гортас курэггез пон-да. Сідз и етадз-ед весь сісьмас.

А эпі сылэ небытшэм вэлі нэбэтны шепсэ гортас и сія, кызз быдэнныс, сюйыштіс нійэ суслонэ.

А Лизавета ласкова видзэтіс Варвараыс вы-лэ да гусьэник баитіс инькаеслэ:

— Весь тійэ, инькаез, одэ любитэ Варварасэ. Бур сія инькаыс, уджалісь.

Гортас локтэм бэрын Варвара пыд ойэдз пу-каліс да трепьёись вурис юбка бердас кузь кор-маннъез. Сія размэдісь пасьтавліс юбкасэ да.

корманнъзас трепьёсэ тыр суюэмэн, бергаліс зеркала тор одзын. Варваралэ коліс тэдны, кыдз пондас пукавны сы вылыи ета юбкаыс, кыдзи корманнъзас лоас тыр суюэма шен.

Сія лэгэн думайтіс Лизавета йылісь: „И-и, жаднэй! Сідз и етадз-ед поснит шепсэ вартан машина дынас талясэ“.

Эні Варварасэ не сідз-ни гажәтіс вундэмыс, кыдз первэй лунас. Сія вәлі быдсән тыртәм аслас стремленнён—кыдз позяс унажык суюны шепсэ аслас кузь корманнъзэ.

Шеппес бышкалісэ сылісь яйсэ юбкаыс-пыр, и сія, гыжъясышлэмэн, дзаръясис омэн и сё суйис и суйис корманас шеппезнас кисэ. Но пыдын корманнъес сылэ сё ешэ кажитчисэ пустэйэсь, и съек сія пондіс вундавны чарланас рудзэг вылісь шеппесэ. Варвара чеглаліс да нэитіс нійэ кнас, мед нія эддъәнсэ езэ паськәтэ юбкасэ, и етэ ёгсэ суйис и суйис корманнъзас. Варвара лоис паськыт да важнэй, и кәр сійэ кытсәвтисэ шоччисьны, сія бытшэмика суйис юбкасэ йы саяс, мед складкаезнас да неволькытіннъезнас сайэвтны ассис небыльнэй ёнмәмсэ.

Но сылэ кажитчис, што Лизавета подозрительнэя видзәтышлэ сы вылэ, да и инькаес быдәнныс друг пондісэ видзәтны сы вылэ.

„Господи, нэбәт бөкәт!“—думайтыштіс Варвара перыта, кыдз лихорадкаын.

Поләмсяняс дрэжитәмэн, сія горән сераліс, а сыбэрын дрэжитан голосән пондәтіс:

Съэкыт Машакәт япсәвны,
Да сьәлэм етэ оз терпит...

И пинькасс быдэнныс пондісэ отсавны:

Да тье висьтар, што мэдан кувны,
Да тьскэт гробйэ вода ме.

Гортас локтэм бэрын, Варвара кисьтіс кор-
манньесис эктэм шепсэ да висьталіс Костяяслэ:
— Бэбэлэсь нія, Костя... Сідз и етадз-ед пос-
нит шепыс весь тальсяс.

Костяыс быдмис кэсыникэн да шогалісьэн.
И Варвара, зонсэ жалейтэмэн, баитліс:

— Видзчисьыш, зоніньэй... вот тэвнас ме
некытчэ тье дынісь ог мун. Орсны пондам...

Но кэр тэлыс мездэтіс вэлісь Варварасэ
быд уджжез вылэ котрасьэмсис, Костяыс почти
совсем-ни ез баит, ез серав, сія ыджыт, повзьэ-
тана синньезэн видзэтис мамыс вылэ да чэліс.
Варвара треситліс сійэ да тревожнэя юавліс:

— Кынэмокыт тьенат висьэ?

— О-оз...

— А тье орсін-бы, Костенька. Видзэт-жэ!

Варвара пэльтліс рожабанньесэ да вартіс
ны кузя кулаккеснас, и кэр шогмыліс джены-
тик, орласяна шы, Варвара сераліс:

— А-а? Коська! Адззан, кызд ме кужа.

Сія павкэтліс чуннезнас тыршнесэ да шувліс:

— А-бру-а, бру-а, бру-а! Коська!

Варвара сераліс, а Костя одзза моз пукаліс,
гажтэм, сылэ быдэс вэлі эткодь.

Быдкодь трепьёэ каттьэмэн, Варвара петкэт-
ліс зонсэ этэрэ да ветлэтіс сыкэт ограда кузяс
и гусьэник баитіс:

— Тье менам ыджы-ыт быдман. Школаэ ко-
тэртан, а рытнас гортэ локтан, съек ме тьенчит
и юала;

„Но, Коська, мый йылісь талун учительница-ыс висьтасис тиянлэ?“ А тье меным и шуан:
„Мамук! Талун учительшаыс миянлэ морт-тьез йылісь книжка лыддбэтис“.

Костя невна гажмис да, небурика шыннлэмэн, видзэтчис трепись колассис.

Этпыр кызкэ Варвара пукаліс Костяыскэт посодзын, кэр ны ордэ бэра локтіс Захар дядьыс.

Сія, коккесэ паськэтэмэн, тошсэ курччалэмэн сувтіс ны одзэ. А сыбэрын, мыля-кэ омэн дзар керэм бэрын, кайис посодзас.

— Ноко, Варвара, пырам керкуас.

Варвара полэмэн видзэтыштіс сы вылэ. Сія бытшэма адззис, кытшэм неустойчивэй вэлі сылэн видзэтэмыс и быдэс чужэм вылас вэлі кытшэмкэ сы сьэрті нелэсялана повзэм.

Варвара пырис сы сьэрэ керкуас да игныштіс ыбэссэ.

Костяыс пондіс лъедзчисьны мамыс киись джоджас. Варвара лъедзис сійэ, и Костя тьер-масьэмэн пондіс оськавны Захарыс дынэ:

— Де-де...

Захар вештыштіс кагасэ кинас:

— Мун тье!

Варвараэс кутіс эбида: „Этта кытшэм!“

Тыдаліс, што Захар ез тэд, мыйсянь пондэтны байтны Варвараыскэт. Сія беспокойнэя ружтышліс да сьэкыта лолаліс.

— Сідз вот, племеннича!

И дзик кыз эдва лысьтэмэн, сія чеччис, сьэкыта оськэвтис гор саяс да, западнясис кэртовэй кольчо весьтас мышкыртчэмэн, лъебтіс западнясэ и видзэтыштіс улэ, кэдзыт джоджулас.

— Тье мыйкэ видзан татэн али он?

Барвара следитіс сы сьэрын синнѣзнас.

— Ог, пустэй. Да и мый меным сыын видзны?

Захар бертіс одзза местаас да пуксис лаби-час, кнезнас пидзэссѣзас пыксѣмэн. Сія ку-тіс эмас чорыт тошсэ да пиннез вылас сійэ как-лялэмэн, Барвараыс вылэ видзэттэг, пондэтіс:

— Ме вот вая тье ордэ мешэк вит-кватъ гэгэр. Дзед-джоджулат. Тьенат сыын кэс?

Сія чепэссис лабичсис, бэра осьтіс джоджувсэ да чеччэвтіс улэ:

— Но вот... а менам амбарыс тыра, а джоджу-лас ва...—нетьермасѣмэн горэтліс сія сьѣтчин-сянь.

Барвара простэя висьталіс:

— Но дак мый, вай.

Захар том морт моз чеччэвтіс ямасис да, кне-сэ чышкэмэн, иньдэтчис ыбэслань.

— А мый тьенат, дядя, мешэккесат?

Захар сувтыштіс да подозрительнэя видзэ-тыштіс Барвараыс вылэ.

— Да сідз... зэр. Ешэ одзупуся менам кольч-чис... Ойнас ме стукнита тьеныт, дак тье бисэ ен шедты...

И сія-жэ ойэ дядяыс вайис сылэ быдса додь топыт мешэккес.

Мешэккес вэлісэ бытшэма вурэмэсь и нія вэ-лісэ не вит, а унаэн унажык, и Барвара, Заха-рыскэт мешэксэ кыскикэ, юаліс:

— Дак мымда-нэ сьѣтэн?

Сьэкыт мешэк увтас кусіньтчэмэн, Захар карчитэмэн висьталіс:

— Ме ешә содтышти... невночка!

Мешәккес шлѣпкисисә джоджув джоджас. И Захар быд пора лъедзчывліс ны сьэрә да тьсчис поленичаә. Варвара әтикә токо вермис казавны, што ета поленичаән тыртәм чуть не быдәс джоджулыс.

Кәр ния новйисә быдәс мешәккесә, Захар кыскис кормансисе учитникәсь кык кольчо, вартіс нійә—әтикәсә западня дорас, а мэдсә джоджас, паныт первәйислә, да игналіс джоджувсә ён, мудрәнэй замок вылә.

Варвара ез тәд, эбидитчыны дядяис вылә сы понда, мыля сія сы вылә оз надейтчы, али не эбидитчыны. Сія ыжмитыштис тырпсесә да чужэй моз видзэтыштис Захарыс вылә. А Захар пыртіс керкуас ешә мыйәнкә несиджыт мешәчок да висьталіс:

— А стә ме зэрок тьсеныт вайн... Тьснат кураггет ловъяәсь?

Варвара сибәтчис матәжык да, Захарыс кинсә мешәккәсә босьткә, небыта висьталіс:

— Кураггес ловъяәсь... кызд-жә... Мешәккәсә ме сьбәрын вая тиянлә.

Захар кутчис-ни ыбәс вуг бердас, но ешә мыйкә усис тәд вылас и бергәтчис:

— А тьс... энджа... некинлә ен висьтась, а то ешә нем понда виясә. Тьс шы ен сет!

Зэрыс, кәдә Захарыс коліс Варвараыслә, вәлі әддбән-ни колана.

Варвара бытшәма тәдіс, што няньыс, кәдә сія арнас шедтис колхозас, тәвйыны оз тырмы. Сія берегитис няньсә, кызд токо вермис, но сәдаки кольччис совсем-ни йетна. И аслас кәсы-

ник да гажтэм Костя вылэ видзэтикэ, Варвара полэмэн думайтис: „Кыдз кыссыны виль няньэдзис?“ Эш сйя сё эддьянжык и эддьянжык пондис думайтлыны мэдик зэр йылис, кэда зъелыта ташкэм мешэккесэ, съетчин, сы джоджулын. Быд мешэкись чинты-кэ фунтэн, дак видзэтанкэ, дасвит фунт гэгэр экеяс. А кыдзи унажыкэн чинты—не фунтэн? Съек и тэвбыт позьэ нем йылис не думайтны!

Варвара ой кежас бура игнавлис эшыннчесэ да ыбэссъесэ и чепэссывлис быд ёркнитэмсянь. Сийэ дугдывтэг кыскис дынас западняыс. Сйя эзтывлис лампа и дырэн лукавлис западня вылас да летис замоксэ. Зэрсэ позьэ босыны сідз, што дядяыс оз и казав. Но замокыс? Варвара синнас ез адззы етэ замоксэ, кэда гольэти сы бердэ павкэтчэмсянь, и ез лысь нетшкэвтыны сийэ этлаын кольчоезнас.

Эш дядяыс частэ вовлис Варвараыс ордэ, и пыр подозрительнэя видзэтлис сы вылэ. Варвара полис сы съэкыт, шучкэн пырэтана видзэтэмись. И первэй лунас-жэ, кэр Варвара пондис Костяыскэт сёйны токо этик картовки, сйя корэмэн висьталис Захарыслэ:

— Тъе, дядя, дзимлялин-бы, нуин мешэккесэ: спокой ныкэт абу.

Дядяыс вежэрттэг видзэти Варвараыс вылэ да мыйкэ бобгыштис ныр увтас. Мукэд пора сйя вайлис сылэ пожнавтэм нянь чэвпан, и Варвара, няньсэ етэ нылаликэ, думайтис; „Этта кытшэм! Кыдз нишшэйэс вердэ!.. А мый, кыдзи кутны да осьны етэ джоджувсэ зэрнас, да съесся и не игнавны? Ась тэдэ! Мый сйя мекэт керас?“

Чагтэ Варвара ордэ пырышліс Лизавета. Сія вайліс сьэрас лэнь Варвара керкуэ тэвся рытлісь домытсэ, и Варвара любитіс сійэ.

Лизавета кэритліс Варварасэ:

— Багсяман тье, Варвара, керкуат пукавтэн. Пукалэ и пукалэ. Томяник инькаок.

Этпыр Лизавета локтіс Варвара ордэ, кэр сы ордын пукаліс Захар.

Лизавета порогсяшыс-жэ лэгэн видзэтыштіс Захарыс вылэ да Варвараыскэт мыйкэ йылісь певночка бантэм бэрын, мэдіс мунны-ни.

Синкыммес увтсэнь векнитик синоккеснас свиттялэмэн, Захар сылісь юаліс:

— Пукалыш! Мый тье бытътэ пышшалан ме дынісь?

— А мый тьекэт пукавнытэ? Дзодзогыс порсыслэ-ед абу ёрт!

Захар сьэвзис чигарка би вылас да, коккес коласэ сійэ чапкэмэн, ешэ этпыр сьэвзис джоджас. А сыбэрын перыта котэртиштіс синнъезнас керкуэттяс и, медбэрын, сувтэтіс синнъесэ Лизавета вылын да висьталіс совсем видзчись-тэм кыввез:

— Сійэн-жэ ме видзэта-да тье мыйкэ совсем торйэтчин мян дынісь. Правленнёас тье токо видчыны котрасян. Тыдалэ, не колхозлэ служитан?

Эні Лизаветаыс ез-ни вермы мунны. Сія пуксис порог дынас табуретка вылэ да орласьлэмэн пондіс серавны:

— Но и стерво-жэ тье, Захар Иваныч! Видзэт тье! кэстіс! Не колхозлэ служитан! А тье кинлэ служитан? Кывзан тьенэ, дак ма котэртэ.

Пессись!.. Сулав, тье ен панэвт менэ, сет висьтавны. А быллесьеэ, кин тье?

Варвара кывзис нылис видчэмнысэ. Сія бытшэма казялис, кыз Захарыс повзис, кэр Лизаветаыс мыччалис кинас сы вылэ.

— Сія кин тьеныт? Племеннича! Ен ылэтлы. Батрачкаэн сія тьеныт вэлі. Не, поровит, ме тьеныт быдэс висьтала! Кулак тье! И эші тье вэвлытэмэ колхозыс йылис каттян „уна назём керись мэс“... Кужэма т думайтны.

Варвара полэмэн дзедис синшесэ Захарыс лэга видзэтэмсянь. Захар пукалис дзугсьэм, пашмэм юрена. Сія нскыз эз вермы адзыны кыввесэ, но сё пешлисис мыйкэ висьтавны.

И друг сія спокойнэя пуктис коксэ мэд кок вылас да горэн пондис серавны, смексяныс дрэжитышлэмэн.

— Ак тье, швабра тье, Лизавета. „Кулак“!— И Варвараыслань бергэтчэмэн, сія не эддьэн веритэмэн качыкнитис сылэ юрнас:—Меным мый, мед токо ачыс Варвараыс эз эбидитчы ме вылэ. Сія тэдэ-ед, што оліс ме ордын асланым туйэ, кыз роднэй ныв.

Варвара пукалис, юрсэ мышкыртэмэн. Сія эз любит байтны ас йывсис. Мыйыс оз овлы: вэлі, да чулалис!

А Захар, съэд пась поласэ павтыртэмэн, кыкис кормансис кисет. И чорыта-ни веритэмэн ешэ этпыр висьталіс:

— Асланым туйэ, кыз ныв оліс ме ордын... А тье весь верман лёбны, мымда тьеныт колэ. Кылыт тьенат, кыз бала бэж-ед летьялэ.

Сія чеччис да иньдэтчис ыбэслань, но думайтыштіс да бертис бэр и пуксис одзза местаас.

Лизавета чеччис. Порог дынсяняс сія видзэтыштіс гажтэма пукалісь Варвараыс вылэ.

— Эк, Варвара, ылэстэм тье морт!

Сія муніс, а Захар шысеттэг куритис чигаркасэ. Варвара тожэ чэліс, да сылэ и нем йылісь вэлі баитны дядьыскэт. Варвара тэдіс, што эні дядьыслэ съэкыт пондэтны баснисэ, и сія ез мэд отсавны сылэ. Ась ачыс петэ кляпчачис—кулак и ем! Но чожа дядьыс пондіс баитны кыз асласкэт, простэя да съэлэмсянь:

— Баиті ме тьеныт—ен тэдчы Лизаветаыскэт, абутэм сія мортыс. Ачыт-ед адззан. Быдлаэ юрсэ сюйэ. Кип мян инькаес коласісь коммунисткаезас ветлэтэны? Этнас сія. Сё мужиккес гэгэр зыртчэ...—и, невна чэлэм бэрын, сія юаліс:—А тьенэ сія мый понда видіс? Кызд шальнэй пон—быдэнныс вылэ уськэтчэ!

Сія сибэтчис западня дынэ, вэрэтыштіс замокэ кыза вочэм пимиа кокнас да бертис бэр.

Варвара чэліс. Съек дядьыс вились пондіс баитны:

— Мешайтчэны тьеныт иешэккес, дак ме кэркэ ужо кыска нійэ.

Варвара етаись повзіс. Сія велаліс ёрдны снэ мешэккесэ, но сія ешэ и надейтчис ны вылэ.

— Ен, дядя, мый тье? Озэ мешайтчэ!

— Но ладно... Видзэт токо, некинлэ ен казьмэт ны йылісь. Вон мымда йэзас лэгыс... жунгыльтасэ!

Эні Захарыс быд лун пондіс вовлыны Варвараыс ордэ и вэлі съетшэм небыт да ласков,

кыдз некэр. Пукалис сја пыр этік местайн, скамья вылын, куритіс, съэлаліс джоджас, кок-кес коласэ да, векшитк синоккезнас кваркышалэмэн, горэн баитіс Костякэт. Но и Костяслэ сја баитіс пыр этікэ:

— Но кыдз, вонэй? А? На! Ме вайи тьеныт!

Костя кайліс сылэ эвэдзас да, кампеткисэ нималэмэн, ляксьэм чуннезнас нэитіс дядьысліс тошсэ. Дядьыс сетліс сылэ етэ кернытэ. Сја баитліс Варваралэ:

— Вот, верит ен верит, Варвара, а кыдз асланым сја меным, Костяис!

Сја юасис Варвараліс быд поснит торыс йыліс.

Этпыр кыдзкэ сја юалис сыліс:

— Пессэ тье ачыт поткэтан?

Варвара дивуйтчэмэн льебтіс синкыммесэ:

— А кин-нэ?

— Можот, меным мунны да поткэтны тьеныт?

Варвара пондіс эвтчыны киезнас:

— Ой, ен, ен, мый тье, дядя!

Съек дядяис бэра пуксис одзза местаас да пондіс куритны. Куритіс сја уна, куритіс да съэлаліс кок увтас, и рытывбыт керкуас кымэрэн ветліс курыт махорка чадьыс. А Варвара, мерёжа весьтас мышкыртчэмэн, думайтіс:— „Но мый сійэ чортыс вайэтлэ ме ордэ?“

Дядяислэн юасьэмыс сылэ кажитчис нуднэйэн да пустэйэн:

— Йэвнас Костясэ вердлан-жэ?

Варвара ыш ловзисис:

— Шоча Костяэ менам адззывлэ йэвсэ.

— А вердны колэ. Кэсынник сія тьенат быд-мэ. Йэлэн сійэ колэ... йэлэн...

Варвара пондіс частэ орэтыны суниссэ, и мерёжа вылас явитчисэ уна гэрэддъез.

— Кытись ме вая сылэ йэвсэ?

Эні Захарыс частэ вайліс Варварамслэ съэ-кыт съэд нянь и этпыр кызкэ, руд мешковичансь пяньсэ кыскикэ, сылэи мезмис:

— Но и жоритат-жэ тійэ!

Варвара орэтіс суниссэ да, гэрэдсэ кэрталікэ, юаліс:

— Разь ме кэркэ корлі тьенчит?

Захар вежэртіс, што висьталіс лишнэйэ:

— Да ме-ед просто етэ, просто, тье ен-жэ мыйкэ думайт!

Но Варвара былъ ез нуждайтчы сы нянь чэв-пангыезыи. Сылэ этік гэрэдзэм мерёжа понда сетісэ пуд зэровэй пизь, дядьыслэн сеталэммес сійэ лэгэтлісэ, да и асьсэ дядьсэ Варвараме и сиинас бы ез адззы.

„Локтіс бэра. Горзыны ме понда!“—думайтіс Варвара, кэр дядьыс, пырикас ыбэссэ игналікэ, шыр, быд рыт, ружтіс да, испоткиессэ кыскалікэ, горэтліс:—Х-хе! Кэдзыт кодь талун! Но, здорово тіянлэ!

Варвара ез-ни верит сы добротаэ. Сія уськэтліс тэд вылас, кытшэмэн вэлі дядьыс кэр сія оліс сы ордын. И аскэттыс сераліс: съетшэм небыльнэй добрэйнас, кызэ эні, сія ез вэв нельки аслас семьякэт.

Варвара вежэртіс, што дядьыс сылісь поліс—етэ сія бытшэма адззис. Поліс и сы коста-жэ

синнас ез адззы. Кэр Варвара видзчисьтэг видзэтлывліс сы вылэ, сія ез йештыв дзєбны тошнас тырэм синнъезас етэ ненавистьсэ. Этпыр кызкэ Варвара адззыліс, кыз дядьыс чеччэвтіс местасис да лэгэн видзэтыштіс Костяыс вылэ, кэр сія котэртиштіс западня дынас да пондіс орсны замокнас.

Захарлэн сеталэммес Варваралэ вэлісэ не сьэлэм сьэрти. Сія ез вермы сэйны сьлісь няньсэ сытэг, медбы не уськэтны тэд вылас дядьыслісь лэга горэтэмсэ: „И жоритат-жэ тійэ!“

Сія вайис Варваралэ мыйкэ. газетаэ каттьэмэ, и каттьэмыс небыта кэстісис сьлэн ен вылас, кэр сія нюжэтіс сійэ.

— Платтё вылэ ме тьєныт; Варя...

Варвара чеччэвтіс местасис, и табуреткаыс шумэн гымнітіс пэрис джоджас. Сія тойыштіс Захарыслісь кпсэ да лэгэн пондіс шушкыны:

— Ог бось! Мун добром! Ен лестит.

Каттьэтыс шлэпкисис джоджас да джодж кузя паськалэм газета лист вылас рэма пондіс свиттявны, кыз шолк, голубэй сатинет.

Захар, старик, моз—ружтэмэн да сьэжыта лолалэмэн, кэстісис сы весьтэ, и Варвара казяліс, кыз дрэжитэны сьлэн кэстісьэм кэс чуннес. Сія лъэбтіс каттьэтсэ, зьєлыта каттис сійэ бэр газетаас да лэгэн видзэтыштіс Варвараыс вылэ:

— Бэбэтчан! Босьтан, босьтан быздэм мыг! Кисорнам летыштан. Сьєтшэмсэ тьє ешэ ен и нюкайтлы! Босьтан!

А Варвара чапкаліс Захарыслэ чужэмас рознитчэм, бестолковэй кыввезэн:

— Чэв лучше. Ме не бэбэв-ед, кола ме тѣс-
ныт—тѣе и лякасян. А сыбэрын кэть син одзат
тшыгйэн кув, дак тѣе и чутыр он кер отсавны
меным.

Дядьыс кватитіс-ни каттѣэтсэ да друг жа-
гэник пуктіс сійэ пызан вылас и мирнэя се-
рэмтчис:

— Вот и видчим мийэ тѣекэт! А? А весь-ед,
Варя! Тѣе былъ висьталін, што колан тѣе ме-
ным. Но дак-ед и ме тѣсныт кола! И мянлэ
тѣекэт выгада ем—мирнэя овны. Тѣе талунсясэ
вунэт. Да бось платтё вылас. Мый, весь разь ме
расходас пыри? А ме муна. Тѣе вунэт...

И Варваралісь синнѣсэ ласкова кошшэмэн,
сія содтіс:

— А джоджулыс йылісь чэв. Эні и баитныт
тѣеныт оз-ни туй. Кыкнанным сюрам.

— Да ен пов тѣе! И менэ ен повзѣтлы.
А то...

Ета рытэ Варвара ордэ локтіс Лизавета. Сія
шупыта чапкіс вывсис пасёксэ да висьталіс:

— Рытывбыт кежэ талун тѣе дынэ. Примит
гэсьяс!

Варвара вэлі рад Лизаветаыслэ, и котрасис
этмэдэрэ, лэсьятіс пес, медбы котёлокэн пизьят-
ны чай. Лизавета сераліс:

— То кыздз? Нельки самовар ме понда пи-
зѣтан!

Варвара сера чэмэн шунс Лизаветалэ:

— Да не тѣе понда! Ен и думайт! И мийэ
Костякэт юыштам.

Лизавета паськэтіс пызан дынас голуСэй са-
тинсэ да ошкэмэн чупэтіс тырпpezнас:

— Кытисъ тье босьтін съетшэмсэ? Ме важын-ни сатинетсэ ог новйы, сё ситеч сетэны.

Варвара сералэмэн сувтэти сьзан вылас кн-пятокэн ыджыт кэртөвэй котёлок.

— Вот менам и самовар!

Ния пуксисэ юны чай, и Варвара, Лизаветаыс пытливэй синнъез шогъя дзебсисъэмэн, висьта-сис сьлэ дядьскэт талуння видчэм йылисъ.

— Чапка ме сьлэ сатинетсэ синнъезас.

Лизавета горэн кыскис блюдосис чайсэ да шытэг кывзис, а сьбэрын друг видзэтыштіс котё-лок сайсяняс:

— А весь... Чапкыны сьлэ оз ков. Бэбэлэн лоан! Вот чожа миян—инькасслен праздник—сьек и мэдэтчан.

И Лизавета сьэлэмсянь советуйтіс:

— Порйэт тье Захарсэ буржыка! Видзэтлы, Варвара, кутчисэ-ни-ед сы бердэ. Чожа быдэс тэдасэ, кытшэм сія колхозникыс. Полеводсис сійэ чапкисэ-ни!

И бэра котёлок сайсяняс нёдджжасъэмэн, сія лукавэя висьталіс:

— Эні полеводыс миян тьенат одза сьэлэм-шэрыт—Андрей Дорохов.

Варвара стыдитчэмэн сералис, а Лизавета тьечис котёлоксис аслас чашкаэ чай.

— Кытшэм ета тьенат чайыт? Дукыс эддьэн-ни чэскыт! Гордэй тье, Варвара, гордэй. Кэть мыйсэ тье йылисъ ме отирсянь кыла, а ачыт, небось, некэр нем он висьтав.

Лизавета голосын кыліс эбида, и Варвара висьталіс:

— Ёг велав ме... Но, а сыбэрын мый ешэ дядьэ йылісь?

— Интерес тьеныт? Тье токо сылэ ен-жэ висьтав. Одз ешэ кытчэдз висьтавны сылэ, што тэдам мийэ сійэ.

Варвара эбидитчис:

— Но, дак ен и баит, коли он верит.

— Верита ме! да сё-жэ... А тье бэра лэгасинни. Кыдз тьеныт баитны сы йылісь? Можот, тьеныт сысянь польза кытшэм ем?

Но Варвара мақнитіс кинас:

— Кытшэм меным сысянь польза! Колхозэ ме думайта пырны, дак тье висьтав меным, кин дынэ меным съетчин мунны?

Лизавета радэн сувтэтіс чашкаса.

— Но и вот, вот и бур! Правленнёэ мун, нето меным сет заявленнётэ. Гиж съетчэ: „Примитэ, мыся, менэ, батрачка, мыся, ме“.

Варвара ашынас-жэ муніс колхоз правленнёэ. Лизаветаыслэ сія заявленнёсэ ез сет—сылэ охота вэлі аслыс сетны заявленнёсэ председателыс киэ и видзэтны, кыдз нія съетчин видзэтасэ сы вылэ.

Сія пырис пемыт да дука правленнёэ и друг бергэтчыштіс да шагньэвтіс бэр ыбэсланяс: пызан сайын пукаліс этнас Петр Чувелёв. Но сія казяліс Варварасэ да горэтіс:

— Кытчэ-нэ тье, Варвара? Потехина!

Сія чечэвтіс местасис, и сы пельпоннъез вылісь усис небурика кышыштэм пасёкыс.

Варвара сувтчис.

Петр мышкыртыс лъебтыны пасёксэ да горэтыс:

— Кытчэ тье пышшан?

— Ме ог пышшы. Меным председателъсэбы...—чуть кылэмэн висьталіс Варвара:—Бумажка то сетны.

Петр нюжэтыс кисэ:

— Но дак вай-инэ, ме-ед председателъыс.

Варвара сувтэтыс синньесэ Петрыс вылэ да петитчыс ыбэсланьэ. Сія-бы ез лок татчэ, тэдыкэ бы етэ. Сетны заявленнё Петрлэ, кэда сыбура вартліс сійэ пессэ гусялэм понда? Нет, сія не бэбэв-ед. Сылэ абу охота, медбы сы вылын сералісэ. Варвара решительнэя бергэтчыс ыбэсланяс.

Петр чеччэвтыс пызан сайсис:

— Вот бэбэв инькаыс! Да сулав! Ме тэда-ед; кытшэмэ тье бумажкасэ киат видзан. Лизаветаныс висьтасис меным. Вай!

Сія чуть не летыштэмэн босьтыс Варвара киись нэйтэм бумажкасэ.

— Вай! Стыд тьеныт—энэдз не колхозын.

Петр муніс пызан дынас да друг бэра Варвараыслань бергэтчэмэн, пондыс серавны:

— Сё ешэ ен вунэт? Злопамятнэй тье. А эбиданыс йылісь тье вунэт—дурак ме съек вэлі.

Сія пуксис да паськэтыс бумажкасэ.

— Мэдлун, рытьявнас лок татчэ. Мийэ пондам колхозэ тьенэ примитны.

Варвара муніс гортас.

„Дак вот кыдз!—думайтыс сія.—Петрыс председателъын пукалэ? Стыд!.. Мыйлэ сія пэсыс йылісь казьмэтыс?“

Лун бэрти пемдандорас Варвара бэра муніс правленнэе да пырис веськыта Петрыс комна-таэ.

Петрыс местаын пукаліс Андрей, и с'бесся комнатаас некин ез вэв. Андрейыс пызан вылас чуть не водэмэн старательнэя мыйкэ гижис бумага вылэ.

Омэн комнатаэттыс ладтэг вэлісэ сувтэтлэмэсь кытшэмкэ мешэккез, ыджытэсь и учэтэсь. Мукэдыс ны коласісь вэлісэ пэртчалэмэсь, и Андрей лякэтліс ны бердэ тырысь букваезэн гижэм бумажкаез, пэртчавліс мэдік мешэккез и босьліс нысь кытшэмкэ пемыт рэма туссез да пызан весьтас эшалан лампа увтэ сибэтчэмэн, малаліс нійэ килапа вылас да кисьліс бэр. А сыбэрын пуксьыліс и гижліс ешэ с'бетшэм-жэ бумажка, мед лякэтны ета виль мешэк вылэ. Мэдік комнатасис кыліс вежэртны непозяна баитэм.

Кэр Андрей казяліс Варварасэ, сія пыдына-ед тюкыштіс ручкасэ векнитик чернильницаас, а кэр пондіс вайэтны ручкасэ асланяс, чернилоись с'эд пятно паськаліс бумага вылас.

— А, чорт!

Варвара, тырппесэ чукуртэмэн, кэса юаліс:

— Председательыс кытэн?

Андрей нэитіс киас лякебэм бумага листсэ да чапкис сійэ пызан увтэ, а сыбэрын сідз-жэ кэса, кыз и Варвараыс, шуис паныт:

— Чожа локтас... Пуксьы...

Мэд комнатаас дугдісэ баитны и кинкэ горэтіс:

— Андрей! Эй, Дорохов! Лок-жэ татчэ!

— А, чорт!—мэдпырся видчыштіс Андрей да котэртиштіс Варвараыс дынэт.

Варвара кольччис этнас, решитіс видзчисьны председателсьсэ. Сія пуксис да пондіс видзэтны пэртчалэм мешэккесас.

— Тыдалэ, шогді.—Варвара нюжэтчис да ыджыт мешэксис босьтіс сюсэ кырымас.—Сідз и ем—шогді.

Коридорэттыс кинкэ муніс, и Варвара повзьэмэн швыргис шогдісэ мешэкас. Туссес лъебзисэ мешэкыс вевдэрэт да гусьэник сяркнитісэ джодж бердас.

Но шыес дугдісэ кывны, и Варвара лэньсис. Сія мышкыртчис да кутіс чепэльнас сы дынсьянь матісьжык лажмытик да векнит мешэксэ. Чуннезас бергалісэ кытшэмкэ гырись, чорыт туссез:

— Натьтэ, шогді-жэ...

Варваралэн вэрзис сьэкыт жалейтэм: Костыс сылэн, кыз шогмис дак ез-на сёйлы шогді-овэй няньсэ. А эні сёйэ бытшкасяна зэр.

— А мый, кыззи?..—Варвара дрэгнитіс да дзар керис омэн. Пызан весьтас, жагэник дюттысьшыслэмэн, мигаитіс пемыт, керосиновэй лампа, эшыныс вэлі этік и, тыдалэ, петіс садэ—кытшэмкэ пулэн кэс уввес небурика кырлалісэ стеклосэ.

Варвара чеччис да гусьэник, кыз кань, кок чуннез вылас, сибэтчис ыбэс дынэ да небурика осьтыштіс сійэ. Коридорас вэлі пемыт, и Варвара тэдіс, што ета компатаыс—посодзеянас первэй.

Сія дрэжитэмэн бертис, кватитис неыджыт
мешаксэ да, кокнита бергэтэмэн, пунктис сійэ
кисз вылас, кыздз пунктэны нимасись кагаэс.

Гусьэник, казьявтэг сія петыштис комнатасис
да пемыт коридорэттыс уськэтчис петан ыбэс
дынэ.

КВАТЬЭТ ГЛАВА

Ашынас, уличаѣт гортланяс ва кайѣтикѣ, Варвара казяліс Лизаветаѣс. Сія муніс тѣрмасьѣмэн да тѣждісьѣмэн макайтіс киезнас.

— Кытчѣ котѣртан?—горѣтіс сылѣ Варвара. Лизавета сувтчис да видзчисис, кѣр Варвара-ыс сибѣтчас сы дынѣ. Кинас сылѣ макнитѣмэн, Лизавета кѣритѣмэн висьталіс:

— Тѣе мый ен лок тѣн правленнѣас? Колхозѣ тѣенѣ примитісѣ.

Варвара долыта видзѣтіс Лизаветалѣ синнѣзас: сідзкѣ, озѣ думайтѣ, што сія гусяліс нылісь кѣдзысѣ. Но эні сылѣ коліс тѣдны—казялісѣ-ли нія кѣдзысыс ѣшѣм йылісь.

— А ешѣ мый йылісь сѣетчин баитісѣ?

Варвара дынѣ топ сибѣтчѣмэн, Лизавета пондіс шушкыны:

— Тѣе чѣв токо, некинлѣ ен висьтась. Дядьыт тѣенат гусялѣма кык пуд первосортнѣй шогді. Район ыстіс опыттѣез керѣм понда быдкодь сорттѣез, дак сія медбурсѣ и гусялѣм.

Сѣсѣся нежык горѣн-ни сія содтіс:

— Американскѣйѣ... Районнѣес одзын ѣпі небытшѣм. Полеводным Андрейыс—быдѣс вежѣтіс-ни. Захарыс рытывбыт кѣдзысыс дынын зыртчѣм.

Ваыс Варвара ведраезын драгнитіс. Сія юаліс:
— А кызди... мәдік кин?

Лизавета, испоткисис кисэ кыскэмэн да русэй юрсисэ шаль увтас дзебэмэн, чорыта висьталіс:

— Да кэть кин. Сідз и етадз враг... Миян колхозниккес озэ вэрзьэтэ. Пы понда-жэ-ед бур няньсэ мәдім вэдитны. Кин тшыгъялас? Сія етэ, Захар. Сё думайтэ умэльэ миянлэ керны.

Коромыслаыс зубыта нырыштіс Варваралісь пельпонньсэ, и сія жагвыв пондіс мунны.

Лизавета ешэ этпыр горэтіс сылэ бэрсяняс:

— Тье чэв, некинлэ нем ен шу, чожажык тэдам—кин!

Гортас Варвара шогдінас меншэксэ пунктіс пызан вылэ, пэрччаліс сійэ, подулас сылэ вэснитик шорокэн пондісэ киссьыны туссес. Ета вэлі кытшэмкэ вэвлытэм шогді, кыз гырысь туссес, кэдналэн шэрэттяныс вэлізэ пережыммез, свитталісэ, кыздз госсянь. Мелтэк вылас летьяліс Андрейэн лякэтэм бумажка.

Сідзкэ, токо сія, Варварэ, и вермис етэ керны: „Миян колхозниккес озэ вэрзьэтэ“,—чорыта висьталіс Лизавета. Но Варвараыс эні тожэ-ед колхозница!

Сія перебирайтіс чуннезнас подувисис гырысь, чорыт туссесэ.

Медэддьэн Варварасэ мучитіс сія, што нельки дядьыс ез кер етэ, а керис сія. Казявтэг сія чапкаліс эмас тусь бэрсянь тусь да горэн поткэтліс нійэ пиннезнас.

Эні Варвараыс быд лун пондіс вовлыны правленіёас, кывзісьны, мый бантэны, а мукэд

пора и керны съетчин этікэ-мэдікэ: чышкыны джодж нето кисьны чернило—абу-ед съэкыт.

Колхозниккез одз пондісэ кэдзны, но инька-еслэ кытчэдз нем вэлі керны ыб вылас, и Варвара гажтэмтчис уджтэг. Сія быд вынісь уськэтчывліс председателыс быд горэтэм вылэ и готов вэлі керны быдэс, мый тшэктасэ, мед токо миськавны ас вывсис позорнэй воровка нимсэ. Варвара гусясьэмнас лыддис токо ассис медбэръя преступленнёсэ—шогді гусялэмсэ да, правленнё жырын эшын вылын пукалікэ, думайтис этік йылісь: кыз-бы керны сідз, мед вайны бэр етэ проклённэй шогдісэ, но медбы некин ез и тэд, што гусявліс сійэ Варвараыс.

Ассис мукэд гусясьэмсэ Варвара лыддис съетшэм незначительнэйэн, што сы йылісь нем вэлі и думайтны. Кызкэ-ед коліс-жэ овны!

Правленнёас велалісэ-ни сы отсалэм дына.

— Эй, Варвара, эзы-жэ лапмасэ,—горэтлісэ сылэ.

Этпыр кызкэ правленнёас локтіс Зинаида. Сія дзикэдз-ни маитчис аслас упрямествоэн—не сетчыны жэникыслэ. Эні не Алексеевнаыс-ни, а сія—ачыс Зинаидаыс —ез миритчы колхозыскэт. Сылэ коліс, медбы Петрыс ачыс локтіс сы дынэ, но Петр сідз ез и вовлы: сылэ просто вэлі некар.

Коридорсис Зинаида казяліс Варварасэ да чочкоммис:

— Тье мый съетэн зыртчан? Сё мужникес гэгэр колэ! Прокленитэм! Ме быдэс тэда, ме-

НЫМ ВИСЪТАЛЭНЫ-ЕД, КЫДЗ ТЪЕ СЪЕТАН БЫДЭННЫС
ВЫЛЭ КЫШАСЯН.

Варваралэн смежыс петіс, но сія сідз ез и
тэд, мый шуны Зинаидаыс горэтэм вылэ. А Зи-
наидаыс пыкис Варвараыс вылэ аслас абутэм
инька подозрэннѣезэн:

— Тье съетэн Петяыс вылэ политан син-
нъетэ? Аслыт он вермы адззыны...

Жырсис коридорас петіс Петр:

— Тье мый естэн ыждаалан?

Зинаида сразу небзис да сідз и сулаліс жэ-
никыс одзын, рукійэсь да блед.

— Петя... Петя...

Петр вайэтіс иньсэ ыбэс дынэ, а сія, кыз
жарсянь юкталэм вэв, сьэжыта кэстасян коккез-
нас небурика пыксэмэн, муніс сы сьэрэ.

— Давай, Зина, мун гортэ! Локта ме талун.
Локта. Мун.

Сія осторожнэя малыштіс кинас иньыс па-
снь сьэд сосэ.

— Давай мун!..

Варвара бергэтчис ны дынісь да видзэтіс
эшынас тулысья ваа туй вылас.

Ыб вывсянь локтіс нятьэсь да мыдзэм Анд-
рей. Сія ез казав коридорсис Варварасэ да котэ-
рэн пырис жырас, и Варвара кыліс, кыз сія
вартіс кинас пызан кузя да горэтліс:

— Шабаш! Абу сьесся зэрыс! Кэдзысыс быр-
сис, дае га кыным пустуйтны пондасэ...

Кыкнаныс нія Петрыскэт котэртісэ, тыдалэ,
сельсоветэ. Варвара адззыліс, кыз нія тьерма-
сьэмэи чеччалісэ ва гэлпезэт да эвтчисэ кнез-
наныс

Кэр Петр локтіс бэр да гажтэма пуксис ас-
лас стул вылэ, Варвара, сувтіс сы пызан дынэ.

— Но, кыз?

Петр лэгэн вештыштіс пызан кузяс бумага-
сэ да дивуйтчэмэн видзэтыштіс Варвараыс вылэ:

— Мый, кыз? Кэдысыс абу, вот кыз!—И
кэр казясіс, што Варвараыс сё тальсэ сы пы-
зан дынын, сія юалэмэн видзэтыштіс сы вы-
лэ:—Но?

Варвара пондэтіс:

— Да ме мэда висьтавыны тьеныт, Петр Сте-
панович... Захар дядьэ... Зэрсэ... менэм джоджу-
лын зэрыс ем.

— Кытшэм?!

И Варвара кокнита-ни висьталіс быдэс.

Петр то чеччышліс стул вывсис, то бэр пук-
сьывліс.

— Бур... Дак дасвит мешэк, шуан?

Сія котрасис жыр кузяс да радэн эвтчис ки-
знас.

— Бур. Да-ед етэ... Да... Бур... Давай тье эні
мун гортат, а мийэ часэт-жэ локтам тье ордэ.

Варвара вылісь бытьтэ лъедзчисис сьэкыт ке-
рэс. Сія перыта котэртис нять кузяс гортас,
дрэжитіс радувьяс, што вэлісь сія керис колхо-
зыс понда мыйкэ важнэйэ, ыджытэ.

Минута мэд бэрти сы керкуэ пырисэ Андрей
да Петр. Андрей интересэн дзарьяліс керкусэ,
а Петр сибатчис веськыта западняыс дынэ, ре-
шительнэя кутчисис замок бердас да вынэн-ед
кыкись летыштіс кольчэттяс.

— Вот!

Андрей видзэти гор дынын пукалісь кагаыс
вылэ. Костяыс сартасокэн судзлаліс гор увтсис
небыт буссэ, тьечис сійэ грудкаокэ да лапкэ-
тышліс кинас.

Андрей шыннялэмэн качыкнитіс юрнас Вар-
вараыслэ:

— Костя нимсэ сетін?

Петр осьтис западнясэ, и пемыт джоджув-
сис мезмис вывланьэ шоньт нянь дук. Андрей
этлаын Петрыскэт чечэвтис улэ.

— Зэр! Настоящэй!

Гэрдэсь да панмэм юраэсь, ния лъебталісэ
джоджас чочком мешэккесэ.

Андрей, недыр кежэ юрсэ мыччэмэн, горэтис
Варваралэ:

— Отсав, мый сувтін?

Варвара пондис кыскыны мешэккесэ ылэжык
западняыс дынісь.

Ния новйисэ мешэккесэ да тьечисэ телега
вылэ, и Андрей, чочком буссэ вывсис пыркэ-
тэмэн, висьталіс Петрлэ:

— Тье кыскы... Ме чожа локта.

Варвара ез дивуйтчы, кэр Андрейыс бертис
керкуас. Сія пукаліс да малаліс кинас пызансэ,
мыйкэ йылісь думайтис, а можот и видзчисис.
Сія юаліс:

— Тье мыйлэ?

Андрей ез тэд, мый йылісь сыкэт баитны.
Сія невна чэлыштіс, Варвараыс вылэ видзэтэ-
мэн, а сыбэрын мыччаліс кинас западняыс
вылэ:

— Мый он игнав?

Андрей сибэтчис западняыс дынэ, игналіс пустай ямасэ, да дзар керэм бэрын, сибэтчис мерёжа дынэ, кэда вэлі кышалэм кэрттув былэ, эшын косяк дынас.

— Кинлэ тье гэрдзан?

— Ме ачым ог тэд кинлэ... Алексеевна Чу-велёва медаліс менэ...

Андрей рад вэлі, што адззис, мый йылісь висьтавы Варвараыслэ:

— А-а?! Дак-ед ме сетлі-жэ Алексеевнаыслэ... Сідзкэ, меным тье-жэ гэрдззин?

Варвара чеччис пызан сайсис да шагньэвтіс Андрейыслань.

— А мымда тье вештін сылэ?

— Куимдас руб.

— Куимдас? А-ед меным мерёжаыс понда сія кыкдасэ токо сетэ...

Варвара шынныштіс: сідзкэ, не этнас сія гу-сясьэ. Алексеевна-кэ заруйтчис сы добро былэ, дак сія мый сідз тэждісьэ!

Андрей сё ешэ сулаліс мерёжа дынас. Шы-нялэмэн сія мыччаліс Костяыс былэ:

— Зон?

Варвара дрэгнитіс, и нето думайтэмэн, нето сералэмэн нюжэтіс:

— Зо-о-он...

Сыбэрын сія видзэтыштіс Андрейыс былэ да дивуйтчис—кытшэм гордостьэн свиттялісэ сылэн синнъес.

— Не тьенат зоньс, а менам!..

Андрей пуксис Варвараыс бокэ. Сія шы ез сет. Сія ез-ни тэд, мый ешэ висьтавы Варва-раыслэ, но и мунны сылэ вэлі неохота.

Съек, Андрейыселань бергетчытэг, Варвара юалис:

— А иньыт тьенат, мый-нэ зонсэ тьеныт оз вай? Андрей гажтэма шуис наньыт:

— Пустоцвет сія, тыдалэ, да и...

Сія полэмэн нюжэтіс кисэ Варвара дынэ, Варвара сувтіс.

— Ме ныр-ед тье йылісь думайті.

Съек Варвара пуксис бэр. Эддьэн думайтіс! Год да и джын ез и юавлы, гэдз сія олэ!

Варваралэ неохота вэлі горзыны, но голосыс сылэн дрэжитіс.

Андрей топ вешние сы дынэ, и съек Варвара видзэтыштіс сы вылэ да пондіс горзыны, юрсэ морос вылас сылэ пуктэмэн.

Андрей жмитіс сійэ бердас да думайтэмэн висьталіс:

— Ме локта тье дынэ? А? Талун-жэ локта...

Рытывбыт Варвараыс вэлі кызд лихорадкаын. Костясэ бытшэмика миссьэтіс, джоджсэ чышкис, быдлаэт обиходитіс. Сія видзчисис Андрейсэ и поліс, мед ез локтэ сы дынэ Лизавета нето Захар. Медэддьэн сылэ неохота вэлі пантасыны Захаркэт. Сія поліс сылісь.

Но вэлі сёр-ни, а Варвара ордэ сідз некин ез и лок. Сія онмэсьтіс Костясэ да пуксис гэрдззыны мерёжа, ачыс оградаас нето уличаас быд ёркнитэмсянь чепэссыліс местасис.

— Да разь локтас сія? Эддьэн ме сылэ кола!

Сія совсем-ни дугдіс видзчисьны Андрейсэ, но друг чеччэвтіс местасис да, мерёжасэ пызан вылас чапкэмэн, котэртіс ыбэс дынэ.

Оградаэттяс посодз дынас кинкэ сибэтчис. Варвара кутчисе вуг бердас, а игналэм посодз ыбэсас кинкэ горэн да тшэка пондіс ёркэтны. Варвара сувтчис. Сія рытывбыт видзчисисе гусьёника, полэмэн стукэтэм, и ета ёркэтэмыс, требовательнэй да настойчивэй, повзъэтіс сійэ.

Сія петіс посодзас да гусьёник юаліс:

— Кин?

— Ыбэс саяс чөлісэ. Варваралэ коліс, медбы ета вэлі Андрей. Да и кин съесея локтас сы ордэ съетшэм сёрэн! И Варвара ез понды видзчисьны, кэр сылэ шыасея, сія жагвыв бергэтіс калічсэ ачыс ванйэв о с ь т і с ы б э с с э да шыннялэмэн-нюжэтіс киесэ, но юр кузяс бура сэтэм сійэ съек-жэ уськэтіс кок вывсис. Сія усис осытэм ыбэсас морттъез вылэ—нія вэлісэ кыкэн. Действуйтісэ нія шытэг, но дружная. Нія коккезэттяс кыскисэ Варварасэ бэр посодзас тупкисэ сылэ эмсэ кытшэмкэ трепичэн да пондісэ чужъявны, тальны коккезнаныс. Минутасэн сія садясьліс да, гуся мурзьэмэн, вартчис да виклясис сэталэммес увтын. Эмас косьмис. Варвара пессис кывнас тойышны трепичсэ, по сылэн бэра пемдыліс син одзас. Гэрд виззез чеччалісэ сы вевдэрш, этлаасьлісэ ловъя чеччалан кытшэ, и кытшыс эштэчлыліс сы вылэ, нырыштіс сійэ, и сія бэра эштыліс сознапнёсэ. Кысянькэ, кыз му пытшынь, сія кыліс токо Захар дядьыслісь шушкэтан голоссэ:

— Ловъя ешэ?..

Кинкэ матэ-сд мышкыртчис сы весьтэ, чужэмас сылэ лолалэмэн, летыштіс эмсис трепичсэ да суйыштіс эмас бутылкалісь кэдзыт голя-

сэ. Керосинлэн съэкыт дукыс пэдтіс долалэмсэ...
И Варвара, дука жыдкостьсэ пылалэмэн, бэра
эштис сознаннёсэ.

Но досповна вийны Варварасэ ния езэ йештэ—
падмэтіс Андрей. Ния невна ез пэрэтэ сійэ кок
вывсис, чеччэвтисэ бокэ, йэрас, и Андрей ез
вермы тэдны нійэ, но сія вежэртис, што естэн
лоис мыйкэ умэль.

Посодзас сія чужийсис вэрэтчытэг куйлісь
Варвара бердэ.

Андрей кыскасис сы гэгэр джоджэттяс да
гусьэник шувліс:

— Варя...

Андрей лъэбтіс Варваралісь юрсэ и сы морос
вылісь тарэвтчис бутылка.

— Керосин... юкталісэ!.. а-а!

Андрей босьтіс Варварасэ киез вылас да пон-
діс нэбэтны керкуас, а Варвара кыз кулэм
эшаліс сы киез вылын.

Андрей пунктис сійэ джоджас да уськэтчис этэ-
рэ. Чожа сія бертис бэр и сы сьэрын, гусьэник
тальччалэмэн, ойзэмэн, пырис Лизавета.

Вэлісь ашынас Варвараыс садясис да слабэя
видзэтыштис омэн. Сы дынэ уськэтчис Лизавета
да сыркъялэмэн шуис:

— Варюшка! Кыз ния тьенэ...—Сія сульсис
ковта подулас да мышкыртчис Варвараыс дынэ:
— Кин? Тэдин? Захар?

Варвара токо синнъезнас висьталіс, што сія,
да гусьэник шуис:

— Юны вай...

Кэшсис васэ моросэттяс киескалэмэн, сія
вэйэм съэкыт синнъезнас видзэтіс Лизавета вы-

лэ, а сыбэрын, юрсэ подушка вылас пуктэмэн, шынньышны пессьэмэн, карчитэмэн шуис:

— Етэ кэдзысыс понда сія...

Лизавета кыскыштіс сылэ морос вылас кок-кес дынэ вешшэм одеялосэ. Варваралэн синодзас орены пондіс быдкодь рэма торрессянь. Сія мыдзэмэн кунис синньесэ да юаліс:

— Костяыс кытэн?

— А тье чэв... Унасэ ен баит! Яслиэ ме сійэ нуэті. Тье ен думайт сы йылісь, сылэ съетчин бур...

И кинлэкэ мәдіклэ Лизавета гусьэн висьталіс:

— Тье видзэтлы сы съэрын, а ме муна. Колэ заявитны, што етэ Захар.

Варвара протестуйтэмэн небурика эвтыштіс кинас да онмэссис.

Кэр сія вились осьтіс синньесэ, керкуас пемыткодь-ни вэлі, а сы дынын пукаліс Зинаида. Зинаидаыс дзик кыз вэдджис Варвараыслісь быд лолыштэмсэ и, сылісь видзэтэмсэ кутікэ, сразу пондіс баитны:

— Варя, можот тье сёйыштан невна... йэв то...

Сія нюжэтіс Варваралэ чочком бутылка, но Варвара висьталіс синньезнас:—Оз ков...

Кысянькэ бэрсяняс лъебтісис Андрей.

— Быль, Варвара, тье юыштің-бы невна! Быдэс ловъясэ тьеись нетшкис, мыйэн овныт пондан?.. Ю!..

— Андрюша... но ладно. Вай, Зина, юа.

Горшыс сылэн висис, и сія эдва-эдва размәдісь ньылыштіс йэвсэ. Бутылкасэ вештэмэн, сія шынньыштіс аслас вынтэмсялэм вылын:

— Кыдз учитик...

Андрей пуксис сы дынэ юрэдзас да жагвыв малаліс сылісь юрсисэ. И Варваралэ вэлі долыт. Сія жмитіс сылісь кисэ аслас юр бердэ да кунис синнъесэ.

Локтіс Лизавета и гусьэник пондіс мыйкэ висътасъны, но голосыс сылэн мезмыліс горажыкэдз, пырсяэдз, и сія полэмэн видзэтышліс кровать вылэ.

Варвара не горэн, но лэгэн горэтіс:

— Да мый тійэ, дзик покойник ме! Горэнжык баитэ...

Лизавета сибэтчис Варвара дынэ:

— Дядятэ тьенчит босътісэ...

— Ме понда? О-ох! Ез ков шумсэ лъебтыны.

— Этта, кытшэм-ед жалейтісь. Сія тьенэ вон кытшэм бытшэма жалейтыштіс. Кыдз-ед ешэ веськалан...

Андрей корэмэн-вынтэг видзэтыштіс Лизавета вылэ:

— Колэ веськэтны сійэ, Лизавета Фёдоровна... Обязательно колэ...

Лизавета мигнитіс да гусьэник серэмтчис:

— Да тье понда веськэтам-ни!..

*

Варвара куйліс гожумбыт. Кэр сія петіс вэлісь керкусис, сылэ быдэс кажитчис вильэн и эддъэн-ни югытэн да гажаэн. Керкуес вэлісэ вылынжыкэсь, туруныс—эддъэн-ни свиттялана да рэма, а отирыс—сътшэм непривычнэя ласковэсь.

Колхозас вэлі пыль страда. Рудзэгсэ вундыштісэ-ни да пондісэ вундыны шогді.

Варвара муніс вундыны Лизавета бригадаэ, но и уджыс сылэ кажитчис мәдікэн. Сія жад-
нэя видзэтис омэн шогді ыбсэ да шуис суседкаеслэ:

— Куим лунэн кокнита позяс быдэс вун-
дышны!..

Но таво сія ез вермы мунны одзас. Сія пәдіс,
и киес дрэжитисэ, кәр сія босьліс кырымас чо-
рыт идзассэ. И инькаес, жалейтәмэн сы вылэ
видзәткә, советуйтисэ:

— А тье, Варвара, жагвыв!

— Кәть и кольччан, дак не беда.

— Не обязательно-ед нормасэ вундыны.

Колхозницаес недоволёнэсь гәлісэ вундәм
понда сувтәтәм норманас:

— Дас сотка—некин оз вунды... Ләсьәті-
сә-жә!

Медәддьән видчис Анисья — Андрейлән ма-
мыс:

— Ләсьәтәмась-тай... Ета местанас, пожалуй,
кыкдас вит суслон мымда... кватитисә!.. Да ми-
яплэ и джынсэ не вундыны доас...

Анисья былъ и джынсэ ез вермы вундыны, а
Варвара и сы сьәрись полис кольччыны. И
сія, што Анисьяыс пыр старайтчис мунны орд-
чән сыкәт—лэгәтис Варварасэ. Андрейыскәт ми-
ритчәм понда сія кыліс асьсэ невна виноватән
Анисьяыс одзын.

Варвара старайтчис мунны одзлань, но Ани-
сьяыс ез кольччы сы сьәрись и, кыз гут, дуг-
дывтәг дзингис:

— А Андрейэ менам и гортэ ез понды вов-
лыны.

И голоссэ лажмэтэмэн, полэмэн омэн дзаръя-
лэмэн, сія шувліс:

— Иньыс сылэн муніс-ни. Этнас эні!

Сія недыр чэліс, токо рожабаннъес сылэн
зъегалышлісэ быд вэрзъэтчэм дырни. Сыбэрын
сія бэра пондіс:

— Но да инькатэг овны оз понды. Кытшэмэ
сія токо босьтас эні?

И бэра сувтчэмэн, кэстыліс юрсэ бокэ да ле-
ститчэмэн видзэтіс Варваралэ синнъезас:

— Вот тьенэ-кэ босьтіс бы...

Анисьялісь садь бырэтана дзингэмсэ кывзікэ,
Варвара эвтчис сы дьнісь, кызд'гут дьнісь, кэ-
да сідз синнъезэ и пырэ: „Этта кытшэм. Сідз
елейэн съэлэм кузя и мавтэ!“

Варвара шы ез сет, ез баит Анисьякэт, и чо-
жа одзаліс сійэ. Анисья лэньсис-жэ. Нарошнонсь
бэрас бергэтчикэ, Варвара казяліс, кызд Анисья-
ыс вундыштэм шеппесэ дзебэ юбка корманас,
сідз-жэ, кызд кэркэ керліс и ачыс Варвараыс.
Анисья казяліс, што Варвараыс видзэтэ сы вылэ,
сія, кисэ корманеис кыскытэг, мыйсь вернис
пондіс гыжъявны яйсэ:

— Кызд-ед вундікас яй вудэ, беда!

Но Варвара бытшэма тэдіс, мыйсянь „вудэ“
Анисьялэн яйыс. Сія кэстэм ки увтсяняс пондіс
следитны сы съэрын и адззыліс, кытшэм частэ
Анисьяыс эддъэн вылына вундалэ шеппесэ и
кызд, гусясьэмэн омэн дзаръялэмэн, суйэ нійэ
аслас паськыт юбкаэ.

Вэлісь Варвара лэгасис да сувтчис. Сылэ
кажитчис, што ета Анисьяыс бэбэтлэ сійэ, Вар-
варасэ, сылісь гусялэ.

Сія сувтіс веськыта да эмтырнас горэтіс ас-
лас бригадирлэ:

— Лизавета-а! Эй!

Кытэнкэ ыб мэд конечсяняс Лизавета горэ-
тіс паныт:

— Татэн ме! Мый-й?

Барвара решительнэя иньдэтчис сы дынэ
висьтавны, што Анисья гусялэ колхозлісь сю, и
друг жагмэтіс оськэвсэ. Сылэ усис тэд вылас,
што сылэн гортас, крэвать увтын, куйлэ кык
пуд первосортнэй шогді кэдзыс.

— Тье, Варя, кытсалін менэ? Мый тье? —
заботливэя сибэтчис сы дынэ Лизавета.

Барвара нерешительнэя висьталіс:

— Лиза! Ме мэда висьтавны тьеныт... амери-
канскэй кэдзыссэ ме гусялі...

Лизавета, эмсэ осьтэмэн, кыз чарэтэм сула-
ліс сы одзын, и друг, омэн дзар керэмэн, пон-
діс вашкыны:

— Тье ен чирзы, бэбэв. Мунам!

Нія лъедзчисэ улэ, вундэм под вылас, и кэр
Лизавета тэдіс, што нылісь байтэмсэ некин оз
кыв, сія юаліс:

— Но?

Барвара сулаліс, кытшэмкэ поснит турунэн
тырэм кэчка ботинкинас чужъялэмэн и, Лизаве-
таыс вылэ видзэттэг, висьталіс сылэ быдэс.

— Повзьэтин тье менэ сьек, туй вылас: висьталін
—кэда босьтіс, сія враг. Кэдзысыс быдэс дзонь...

Лизавета ез панэвт, кывзіс сійэ, и кэр Вар-
варасылэ нем-ни вэлі висьтавны, Лизавета мак-
нитіс кінас:

— Но, ладно. Токо ас йывсит тье некинлэ нем ен шу, а Петрыскэт ме баита.

Сія-жэ лунэ рытнас Лизавета да Петр локтисэ Варвара ордэ. Варвара полэмэн дзєбис син-нъєсэ, но чорыта висьталіс нылэ:

— То, босьтэ кэдзыссэ. Эні тійэ вермат чалкыны менэ колхозсис...

Лизавета бергаліс Варвараыс гэгэр:

— Да тье, Варя, ен и думайт. Мийэ локтам татчэ да и баитам—ачыс инькаыс висьталіс, сідзкэ, вежэртіс.

Петр тожэ вэлі кыз эшэм и ез тэд, кыз эні сылэ видзны асьсэ Варвараыскэт. Сія горэн лыддьэтіс Андрейліс мешэк вылас лякэтэм бумажкасэ:

— „Американскэй шогді „Белотурка“—опытнэй ыб понда“...

И, Лизаветаліс басьнісэ кутэмэн, сія радэн кватитыштіс сійэ:

— Конечно, ен тэжды... ен тэжды...

Лизавета дзик кыз поліс, што Петрыс висьталас Варвараыслэ кытшэм-нибудь эбиднэй кыв и панэвтіс сійэ:

— Мийэ веритны тьєныт пондам. Тье ен и думайт, некин оз тэд, а кэдзыссэ босьтам вот да и кэдзам... Токо ачит тье ас вылат нем ен катты.

Нія иньдэтчисэ ыбэслань. Петр нэбэтіс мешэксэ шогдінас и чожа петыштіс посодзас, ез и прошнайтчы Варвараыскэт, а Лизавета муніс бэреянс, ачыс пыр Варвараыс вылэ дзарьяліс:

— Дак тье ен тэжды, ен тэжды, шуа-тай...

Кэр нія мунісэ, Варвара пуксис лабичэ:

— Господи, кыз ме эні?! Кыз мыччия колхозниккеслэ удж вылас! Эні быдэнныс тэда-сэ ета шогді йылісь и пондасэ баитны: „Ета недруг мян. Нельки кулак Захар Беляев сідз ез кер“.

Ойбытэн сія чисто маитчис. Асывланяс вэ-лись ланьтіс, но и узикас вэтасис, што кинкэ вэтчэ сы сьэрэ, кутэ сійэ юбкаэттяс, и юбкаыс кирэтэ, косясьэ да усьэ вывсис, и сія кольччэ этік дже-нытик йэрнэсокэн. Варвара дзар керис бэрас и уськэтчис котэртны, а бэрсяняс сылэ Захар дя-дбыс шупкис кирпичэн да горэтлэ вэснитик, бэб голосэн:

— Воровка! Тье Никулиннъезлісь гез гусяліи!

Кинкэ вэтэ сійэ да летэ йэрнэсэттяс, и Вар-вара тэдіс, што ета дядыслэн поныс, Полкан и пондіс ласкова бурэтны сійэ: „Полканушко, да-ед етэ ме! Ен разь тэд?“

А Полканыс лэгэн-ед летэ йэрнэссэ, и Вар-вара быд вынісь мездісьэ сы дынісь, кивзэ и люзь пымалэм саймэ.

Эшынас кинкэ бура-ед ёркэтіс.

Варвара чепэссис, гусьэник сибэтчис эшын дынас да косяк сайсяняс видзэтыштіс этэрас.

Этэрсяняс Зинаида бериняліс юрнас да го-рэтліс:

— Мый дыр узян? Кад-ни уджавны мунны.

Варвара дзик эшис. Сія ез думайт, што Зи-наидаыс пырас талун сы дынэ: конешно, сылэ Петрыс быдэс висьталіс! Сія чорыта веритіс еталэ.

Сія готов-ни вэлі петны, но сё тальсис ыбэс дынас, поліс пантасьны Зинаидаыскэт, а мадыт бэра гымэтіс эшынас да горэтліс:

— Эй, Варя, онмэссин? Чожжык!

Варвара петіс да пытливэя видзэтыштіс Зинаидаыс вылэ. Но Зинаида видзис асьсэ одзза маз: сія, кыз и тэн, бергэтліс юрнас да лёбіс сякэйсэ.

Оз тэд!

Ыб вылас павъялісэ-ни чышъяннъез.

Колхозницаеслісь мышкыра фигураесэ казьялікэ, Варвара мунны пондіс жагэнжык:

Тэдэны! Тэдэны? Но и естэн быдэнныс панталісэ Варварасэ одзза маз.

Варвара полэмэн видзэтліс чужэммесас, мырсис адззыны кэть учитик подозрэннэ нето сылэ неверитэм, но паныт сылэ приветливэя шыннялісэ да беринялісэ юррезнаныс.

Озэ тэдэ!

Варвара ез вермы вежэртны, мый эні мучитэ сійэ. Сія ыджыт спасибо висьталіс Лизаветалэ чэлэмыс понда, но ачыс сія оз-я серав Варвараыс вылын? Шуас: „То-ед? Вундэ, кыз нем ез и вэвлы!“ Пожалуй, буржык логс висьтавыны эні быдэнныслэ, мед быдэнныс тэдісэ, кин съетшэм Варвараыс. Вот съек Лизаветаыс оз-ни понды серавны!

Варвара видзэтыштіс бока, Лизаветаыс былъ видзэтіс сы вылэ и съек-жэ гэрэтіс сылэ:

— Эй, Варвара, ен кыв? Дядятэ тьенчит быдэс семьянас тэн рытнас ытісэ районсис.

Варвара, веськэтчытэг, шуис паныт:

— Ег кыв. Ег.

Мукэд инькаез, Варвара былэ ласкова видзэ-тэмэн, тожэ горэтлісэ:

— Сідз и колэ! Сьєрпэсьєс!

— Чуть-ед инькасэ ез вий.

Бокэттяныс вэвэн муніс Петр. Сія сувтэтис вэвсэ да горэтис:

— Эй, инькаез! Мый тійэ умэля вундат? Тіян бригаданьт быдэнныс сьєрись кольччис, а ед мянлэ тьєрмасьны колэ. Мед не кольны жэ сюсэ лым увтэ!

Инькаес веськэтчисэ да быдэнныс друг пондісэ ванзыны:

— Ыджытжыкэ-бы ешэ нормасэ керитэ!

— Дас сотка! Ачыт вунды-ко сымданас!

Петр спокойнэя вэрзьэтис вожжиесэ да, вэвсэ рысь льєдзэмэн, горэтис лэньсьєм инькаес-лэ:

— Давайте, инькаез, вынсьєтчэ! Ас выланьт-ед уджалат!

Инькаес уськэтчисэ Лизавета былэ:

— А тьє, бригадир, мый согласитчин ета норма былэ?.. Видзэт, кытшэм ёгья шогдїыс!

Анисья сюйис Лизаветалэ чужэмас ассис гэрд да пыктэм, жабрейэн сотэм киесэ:

— Адззан?

— Да мый тьє нырам сюян киезнат? Ме тьє-ныт сьєтшэмэсь-жэ мыччала...

И кэритэмэн Лизавета висьталіс:

— Сё ешэ кыдз баринлэ уджалат, инькаез... Кутчамэ-ко вундыны! Нормасэ асьным-ед примітїм! Давайте! Синнъез полэны, а киез керэны!

Лизавета муніс аслас постать дорэ, а инькаес сё ешэ сулалісэ.

„Быль-ед, кыз баринлэ уджалэны!“ — думайтыштіс Варвара да горэн висьталіс:

— Ме мэйму кыкдас вит суслонэн вундылі. Инькаес уськэтчисэ сы былэ:

— А эні мыля-нэ дасвитэн токо вундан?

Варвара мышкыртіс юрә: сылэ нем вэлі висьтавны.

Сія былэ вундіс токо дасвит суслонэн.

Лунмэд Варвара упрямэя думайтіс этік йылісь: кыз сылэ вэтны полнэй нормасэ? Сія пондіс кольны Лизаветаэс—медбур вундісьяс, кэда вундіс кыкдас суслонэн. Но кэр Варвара вэтіс Лизаветасэ,—вундіссес пондісэ беспокоитчыны:

— Кытчэ тье вашэтан, Варвара?

— Эй, Варвара! Сылэ быдэнныся унажык колэ!

Но ния тожэ пондісэ вэтчыны сы сьэрэ. Варвараыс унажык-кэ вундэ, сідзкэ, нылэ некин оз верит, што ния озэ вермэ вундыны сымдаэн-жэ. Варвара дзик кыз ез и адззы суседкаесэ. Сія думайтіс аскэттяс, кыз быдэс етэ сюсэ сьэкыт лымыс нырыштас му бердас, кыз дзугяс да косьмас шепыс, и дрэжитіс полэмсяняс да вынсьэтчэмсяняс. Коліс тьермасьны. Вэлісь Варвара тыртіс нормасэ содтэтэн—сія вундіс кыкдас квать суслонэн. Мукэд вундіссес сідз-жэ эдззисэ, Варвара эдззэтіс нійэ.

Рытнас Петр, ыбсэ гэгэртикэ, сувтіс ны дынэ.

— О! Бура тійэ кутчит! Ме думайті, тійэ пуксьэтат нянь гэпйэ.

— Эні тьеныт премияез йылісь колэ думайтышны,—Лизавета гордэя видзэтіс аслас бригада былэ.

— Вот адззылат, инькаез, первэй местаын мийэ лоам! Кыдз йештэтам страдасэ, праздник керам.

Инькаес гажэн сералисэ:—Быдэс чулалэм оланых понда йэктам.

Праздник луных лэсялісэ гажтэм да кэдзыт: асывсяняс бызитісэ поснит, мыла бырэтана зьер.

Лизавета лэгэн сьэласисэ, но праздниксэ сёжэ решитісэ керны.

Томпэлэс отирыс асывсянь котрасисэ одза поповскэй керку ыджыт жыррезэт; эні сьетэн вэлі колхоз правленнё.

Джоджсэ миськалісэ песэкэн, сідз-жэ бура миськалісэ ыджыт эшын стеклосэ. Весэтісэ лампаез, лэсьэтісэ бур свет быд жырас, вайисэ ньыв и небыт да дука улоккезнас сэстэмтісэ угэввесэ. Кысянькэ вайисэ штораез, да везтісэ эшынньесэ кокнит тюль везэн. Пызанньез вылэ, кэдна вэлісэ сувтэтэмэсь этік рядэ медыджыт жырас, ольсалисэ пызандэраез.

Кухняс стряпайтісэ Анисья. Сія эддён бура кужлісэ стряпайтны, и дульпеткэтана, лебыт пирэггес уна-ни куйлісэ кухня пызан вылас. Сьетэн вэлісэ—небыт кренделлез, сьэд, гэрд пирэггез, кэдна вылын кампеттвезісь да изюмись вэлісэ керэмэсь быдкодь узэррез.

Анисья тэдіс ассис делосэ и действуйтисэ решительнэя. Сы гордостьэн вэлі ыджыт гэгрэса пирэг, кэдэ сія шуис дас сувдаэн. Сія вэлі керэм вэснитик да пазалана дас слоись, кэдна вэлісэ бура мавтэмэсь вареннёэн. Быдэс ена слойіес этажжезэн лэбисэ этамэднысвылын и пи-

рэг вевдэрас—пемыт вареннэ вылас—куйліс ня-
нись керэм вит пельэса звезда. Анисья тэдіс,
мыйэн уважитны гэссесэ да колхозниккесэ. Сія
чорыта веритіс, што инькаес дыр озэ вунэтэ етэ
вечерсэ да пондасэ байтны сы пирэггез йылісь.

Кэть и кисьтіс-зъерис, но колхозниккес пон-
дісэ эхсыны унаэн оджык висьталэм часся.

Варвара ветлэтіс бура югдэтэм правленнэ
жыррезэт, стыдитчис аслас виль голубэй плат-
тёнсь. Сія вэлі вурэм Зинаида фасон сьэрти—
подулас кык векнитик оборкаэн, и Варвара, обор-
каезнас шумитышлэмэн, ез тэд, кытчэ воштыны
кнесэ.

Сія стыдитчэмэн нэитіс чышъянсэ: сылэ ка-
житчис, што быдэнныс видзэтэны сы платтё рчлэ.

Но Варварасэ быдыс дивитіс, сія некэр ез
адззывлы сымда югытсэ, сьэтшэм довольнэй
чужэммесэ, ез кывлы сьэтшэм том сералэмсэ.
Кэр сія, этлаын быдэнныскэт, чиннэя пуксис
ыджыт пызан сайэ, сія вунэтчис и горэн да ра-
дэн акнитіс: быдэс пызаные эт конечсяняс мэд
конечэдззас вэлі тыртэм сьэтшэм вэвлытэм ба-
сэк пирэггезэн, кэдна бердэ полэм петіс и пав-
кэтчыны.

Варвара ез и думайт, што лоас сьэтшэм га-
зка: „Вот Костяэс-бы татчэ!..“

Пызан конечсяняс лъебтісис мэдэтчэм да тор-
жественнэй Петр:

— Ёрттьез!..

Сія пондіс мыйкэ байтны, но Варвара пука-
ліс, кыз вэтын, счассёсяняс туманэн вевтти-
сьэм синнъезэн. Но мый сьэтшэмсэ сія байтэ?
И кытшэм бытшэма сія байтэ!

Петр вартіс кинас воздухсэ и баитіс одз-
лань:

— Миянлэ колэ синмэн видзэтны кузь киаес
сьэрын. Быдэннысэ, кин мешайтэ миянлэ да
вредитэ уджас, мийэ дыв вашэтам, кыдз вашэ-
тім Захар Беляевэс. Миян емэсь асланым герой-
йез, кэдналэ мийэ веритам и кэдна оланнысэ
жалейттэг пессьэны колхоз олан понда!

Варвара дрэгнитіс, лъебтіссьыштіс да пуксис:
бэр, сія гэрдэтіс повзьэм увъяс да рад увъяс:
Петр шуис сылісь нимсэ.

Петр невна чэлыштіс, сыбэрын кыскис пид-
жак кормансис аккуратнэя кэсталэм бумага лист
да пондіс лыддьэтны:

— „Полевод Андрей Дорохов ыбсэ бура до-
зирайтэм понда да ыбывсэя уджжезэн юралэм
понда премируйтсэя патефонэн“.—Списокыс ды-
нісь синньесэ орэтэмэн, Петр висьталіс:

— Андрей Дорохов татэн? Абу?

Съек лъебтісис торжественнэй да зоныс пон-
да гордэй Анисья.

— А мам вермас зоныс туйэ получитны?

— Вермас, вермас, пожалуйста!

Анисья уйыштіс пызан сайсис да, басэк
ящиксэ кутыштэмэн, копыртчис Петрлэ:

— Спасибо, менам гражданина! Зонэ понда!

Быдэнныс сералісэ, и киезэн бура шовкэтэм
да рада сералэм коласын кыліс шутитэм:

— Орс на здоровьё!

— Музыка ем, эні свадьба керны колэ!

Анисья ешэ копыртчыштіс:

— А мый, и свадьба керам...

Зинаида лукавэя видзэтыштіс Варвара вылэ да сералэмэн горэтіс:

— А ме невестасэ тэда... готовэй...

— „Вундїсез куимэт бригадаись медбур ударница, одзза батрачка Варвара Потехина премируйтчэ годэя нетельэн...“—и Петр бэра орэтчис списокыс дынісь:

— Варвара Потехина, нетельсэ верман босьны талун-жэ.

Варвара пукаліс и ез вежэрт, мый съетшэмыс керсьэ, мыля сыбура шумитэны пызан саяс, съетшэм радэн шовкэтэны киезнаныс и мыля, сы вылэ видзэтэмэн, съетшэм сьэлэмсянь рада сералэны. Кинкэ чувйис сійэ бокас да гусьэн ванкис:

— Шу паныта кывсэ, баит!

Варвара сувтіс да надейтчытэг видзэтыштіс быдэнныс вылэ:

— Господи!

И быдэнныс бэра гажэн шумитісэ, сьэлэмсянь сералісэ сы беспомощность вылын:

— Миян кодбыслэ баитныт эддъэн сьэкыт!

Сія оз тэд, кыз кончитчис эбедыс, да и эбедыс бэрын быдэс вэлі, кыз вэтын... Кинкэ кутыштіс сійэ да кыскис, мыйкэ мыччаліс сылэ.

Друг сія казяліс Андрейэс. Сія, зьерсяняс пыркэтчэмэн, чеччалышліс ыбэс одзас, и сы сьэд плащ сайсянь видзэтчис Костялэн розовэй, вамэм чужэмокыс.

Варвара, инькаессэ тойлалэмэн, уськэтчис ны дынэ:

— Костя!

Но Лизавета кутіс сійэ:

— Варюкинъэй!..

Мэд жырас гармонь горалис йэктэтан орсэ-
мын, и Лизавета, йэктышлэмэн, кыскис Варва-
расэ и бергэтліс сійэ, а Варвара, киесэ лъедзэ-
мэн, перебирайтис коккезнас. Сыбэрын вежэртис,
што сія йэктэ серались да музыкаыс сьэрти
шовкэтісь отыр шэрын, сія повзыштис, эшис-
кодъ да дзэбснсис отирыс пемыт стена сайэ.

Переводчик *Н. Спорова*
Редактор *Н. Попов*
Техредак. *С. Грибанов*
Коррек. *М. Пономарев*

Окрлит № 1174. Заказ № 111. Тираж 1500
Сдано в набор 5/II-38 г. Подписано к
печати 25/III-38 г. Печатных листов
3³/₈. Авторских листов 3,80. В
1 печ. листе 47872 тип. зн.

Цена 1 руб. Переплет 40 коп.

п. Кудымкар. Типография Коми-
пермяцкого Окргосиздата